



10964

遺山先生集卷第十二

元張德輝頤齋類次 平定後學張穆甫齋校梓

七言絕句

俳體雪香亭雜詠十五首 亭在故汴宮  
仁安殿西



滄海橫流萬國魚茫茫神理竟何如六經管得書生下闊劍  
長槍不信渠

洛陽城闕變灰煙暮號朝虞只眼前為向杏園雙燕道營巢  
何處過明年

落日青山一片愁大河東注不還流若為長得熙春在時上  
高層望宋州

醇和旁近洞房環碧瓦參差竹樹間批奏內人輪上直去年  
名姓在窗間 醇和  
殿名

遺山先生集 卷十二

陽泉山莊

天上三郎玉不如手中白雨趁花奴御屏零落宣和筆留得  
華清按樂圖

詩僊詩鬼不謾欺時事先教夢裏知禁苑又經人物散荒涼  
臺榭水流遲 十年前商帥國器方城夢  
中得後二句為言如此

金縷歌詞金曲卮百年人事鬢成絲重來未必春風在更為  
梨花住少時

楊柳隨風散綠絲桃花臨水弄妍姿無端種下青青竹恰到  
湘君淚盡時

琵琶心事曲中論會笑明妃負漢恩明日天山山下路不須  
回首望都門

鑪薰浥浥帶輕陰翠竹高梧水殿淡去去瓊車雪三尺畫羅  
休縷麝香金 泥金色如麝  
香宮中所尚

羅綺淡宮二十年更持桃李向誰妍人生只合梁園死金水  
河頭好墓田

苦才多思是春風偏近騷人悵望中啼盡杜鵑枝上血海棠  
明日更應紅

暖日晴雲錦樹新風吹雨打旋成塵宮園淡閉無人到自在  
流鶯哭暮春

萬戶千門盡有名眼中歷歷記經行賦家正有蕪城筆一段  
傷心畫不成

暮雲樓閣古今情地老天荒恨未平白髮纍臣幾人在就中  
愁殺庾蘭成

春夕

數枝殘雪梅仍在幾日東風柳已嬌春酒價高無可典小紅

遺山先生集

卷十二

二

陽泉山莊

鐙影莫相撩

梅花

一樹寒梅古寺邊荒山草木動春妍東家賴有詩人在照影

橫枝莫自憐

溪上

短布單衣一幅巾暫來閒處避紅塵低昂自看水中影好箇

山間林下人

息軒楊祕監雪行圖

長路單衣怨僕僮無人說向息軒翁長安多少貂裘客偏畫

書生著雪中

楊煥然生子四首

掌上明珠慰老懷愁顏我亦爲君開異時載酒楊雄宅知有

迎門竹馬來

人家歡喜是生兒巷語街談總入詩我欲去爲湯餅客買羊沽酒約何時

半生辛苦坐耽書我笑先生老更迂生子但持門戶了玄談何必似童烏

阿麟學語語牙牙七歲元郎髻已了更醉使君湯餅局兒童他日記通家

阿麟張君美兒子

記夢

天上材官老不材從教兀兀走塵埃夢中望拜通明殿會見金書兩字來

戊子七月二十四日內鄉往盧氏宿走馬平夜夢拜天帝像遂觀法駕導引畫幃取前負弩三人中有金書小字題裕之者夢中不自知其爲子也

啟母石

遺山先生集

卷十二

三

陽泉山莊

書載塗山世共知誰傳頑石使人疑可憐少室老突兀也被人呼作阿姨

雜著四首

白髮劉郎老更癡人間那有後天期茂陵石馬專相待種下蟠桃屬阿誰

白髮中官解道詩殷勤乃爲惜花枝雪香亭上清明宴記得君王去歲時

六朝瓊樹掌中春回首胡妝一面新生羨石家金谷裏千年獨有墜樓人

燕語鶯啼百轉新長廊寂寂不逢人東君去作誰家客花柳無情各自春

內鄉雜詩

行吟溪北復溪南風日烘人酒易酣無限春愁與誰語梅花  
嬌小杏花慙

眉二首

香墨燒殘水麝塵內家新樣入輕勻郭熙只爲吳山老爭信  
窗間有小顰

石綠香煤淡淡間多情長帶楚梅酸小詩擬寫春愁樣憶著  
分明下

送窮

煎餅虛拋塼撒堆滿城都道送窮回不如留取窮新婦貴女  
何曾喚得來

三鄉時作

山林鍾鼎不相兼說著浮名夢亦嫌菽水盡歡吾豈敢老親  
遺山先生集

卷十二

四

陽泉山莊

自愛薺羹甜

出都

春閨斜月曉聞鶯信馬都門半醉醒官柳青青莫回首短長  
亭是斷腸亭

癸巳五月三日北渡三首

道旁僵臥滿纍囚過去旃車似水流紅粉哭隨回鶻馬爲誰  
一步一回頭

隨營木佛賤於柴大樂編鐘滿市憐虜掠幾何君莫問大船  
渾載汴京來

白骨縱橫似亂麻幾年桑梓變龍沙只知河朔生靈盡破屋  
疏煙卻數家

桑梓其翦爲龍  
沙于郭璞語

登珂山寺三首

澹澹長空白鳥回江山都入妙高臺六鼇只解翻溟渤不駕  
東南日觀來

太山在東南而此山不之見

悠悠誰了未生前一落泥塗又幾年堪笑長清郭明府拜來

仍被葛藤纏

長清郭明府自省夙世是此寺比丘工及作寺碑宛然筆沙語也

白日紅塵往復還淡居那得似禪關出門應被山僧笑纔得

雲林半日間

夢中作

夢人請賦四禽語其一泥滑滑也

春泥滑滑滿春山嬾媿幽禽喚客還安得便乘雙翼去綠陰

清晝伴君閒

奉酬子京禪師見贈之什三首

南風穩送北歸船留得虛名一指禪松少詩僧幾人在因君

回望一凄然

遺山先生集

卷十二

五

陽泉山莊

舊遊重憶故人詩一點青銕兩鬢絲不似戒壇明月夜杏花

香裏唱歌時

往在松山時陪馮內翰雷御史游戒壇詩中所道蓋當時事也

兵塵千里邈相望亂後相逢話更長若見山堂憑借問幾時

同宿贊公房

杏花

桃李前頭一樹春絳脣淡注蠟猶新只嫌憨笑無人管鬧簇

枯枝不冝勻

聊城寒食

輕陰何負撥花期白髮於春自不宜城外杏園人去盡煮茶

聲裏獨支頤

姨母隴西君諱日作三首

竹馬青衫小小郎阿娘懷袖阿孃香一龕白骨黃河隔遙望

梁門哭斷腸

病起拈鍼眼未花團圍兒女運司衙今年得在應猶健更好  
從頭說外家

寶鏡煌煌照九州埋藏曾及見諸劉  
鄴城今日無雷煥紫氣  
誰當辨斗牛揚曲劉氏家大寶鏡能照天地四方以前知休咎其家埋地中人不得見也明昌泰和中北方兵動渠父子欲卜之一日先以旃幕障中庭乃扃閉門戶甚嚴及掘鏡出光耀爛然一至盡明如初日之照鏡中見北來兵騎覆穰無數餘三方都無所睹因大駭曰不可不可卽埋之姨母時伏牀下得竊焉兵火後此家惟一兒子在姨母能指鏡處存否則不知也故予詩及之

宿神霄北庵夢中作

素月流空散紫煙座中人物半神僊麗川往事渾如夢信手  
題詩一泣然

夜雪

遺山先生集

卷十二

六

陽泉山莊

三更殘醉未全醒夢裏嬌兒索乳聲茅屋不知門外雪黃綉  
金煖紙窗明

寇氏趙莊賦杏花四首

一樹生紅錦不如乳兒粉抹紫襜褕花中誰有張萱筆畫作  
宮池百子圖

文杏堂前千樹紅雲舒霞捲漲春風荒邨此日腸堪斷回首  
梁園是夢中

錦樹烘春爛不收看花人自爲花愁荒蹊明日知誰到憑仗  
詩翁爲少留

東風誰道太狂生次第開花卻有情聞道紀園千樹錦一尊  
猶及醉清明

自趙莊歸寇氏二首

春華澹澹曉寒輕野草搖風半白青誰識杏花牆外客舊會  
家近麗川亭

杏園紅過雪披離楊柳無風綠綠齊寒食人家在原野乳鴉  
牆外盡情啼

戲贈白髮二首

鏡中昨日又明朝破屋春深雪未消摘下數莖聊自笑貴人  
頭上不相饒

問愁何怨復何讎直要青春便白頭拚卻鏡中渾是雪且看  
渠待幾時休

戲題醉僊人圖

醉鄉初不限東西築日湯年一理齊門外山禽喚沽酒胡蘆  
今後大家提

提胡蘆沽美酒禽語也

遺山先生集

卷十二

七

陽泉山莊

濟南雜詩十首

兒時曾過濟南城暗算存心只自驚四十二年彈指過只疑  
來處是前生

匡山間有讀書堂行過山前笑一場可惜世間無李白今人  
多少賀知章

華山真是碧芙蓉藻湖水湖光玉不如六月行人汗如雨西城  
橋下見游魚

吳兒洲渚是神僊罨畫溪光碧玉泉別有洞天君不見鵲山  
寒食泰和年

石刻燒殘燕集辭雄樓傑觀想當時只應畫戟清香地多欠  
韋郎五字詩

所來官樹午陰輕湖畔游人怕晚晴一夜靈泉庵上宿四山



風露覺秋生

白煙消盡凍雲凝  
山月飛來夜氣激  
且向波間看玉塔  
不須橋畔覓金繩

入秋雲物便淒迷  
一道湖光樹影齊  
詩在鵲山煙雨裏  
王家

圖上舊曾題

王清卿家有鵲山煙雨圖

荷葉荷花爛漫秋  
鷺鷥飛近釣魚舟  
北城佳處經行徧  
留著南山更一游

看山看水自由身  
著處題詩發興新  
日日扁舟藕花裏  
有心

長作濟南人

題解飛卿山水卷

平生魚鳥取相親  
夢寐煙霞卜四鄰  
羨殺濟南山水好  
幾時

真作卷中人

遺山先生集

卷十二

八

陽泉山莊

趙士表山林暮雪圖爲高良卿賦二首

颼颼林響四山風  
雪後人家閉戶中  
應被火鑪頭上說  
水邊

清殺兩詩翁

黃塵遮斷山間夢  
白髮重尋畫裏詩  
好似玉溪溪上路  
醉和

王老喚船時

倫鎮道中見槐花

名場奔走競官榮  
一紙除書誤半生  
笑向槐花問前事  
爲君

忒了竟何成

題劉才卿湖石扇頭

幽閨雲凝雨未乾  
曲池疏竹共荒寒  
扇頭喚起西園夢  
好似

熙春閣下看

聞歌懷京師舊游

樓前誰唱綠腰催千里梁園首重回記得杜家亭子上信之  
欽用共聽來

鄭先覺幽禽照水扇頭

臨水華枝淡淡春水光華影兩無塵風流一枕西園夢惆悵  
幽禽是故人

龍泉寺四首

懸麻白雨映層崖過盡行雲晚照開可是登臨動高興馬頭  
新自太行來

泉石煙霞自一家殘僧隨分了生涯雞鳴山下題詩客曾到  
靈巖不用誇

河邊毬毬尙能飛無角無鱗自一齊甲子紛紛更兒戲壁間

休笑阜昌題

寺北齊時建又多劉豫  
阜昌中石刻并題名

遺山先生集

卷十二

九

陽泉山莊

繞渠寒溜夜潺潺說有蛟龍在石間可惜九天霖雨手一泐  
泉水伴僧閒

李進之迂軒二首

白髮歸來世事新書生風味是清貧敬斜歷落從人笑潦倒  
麤疏我自真

舉世營營共一塗要來閒處費工夫入門且莫分賓主不但  
君迂我更迂

出鎮州

汾水歸心日夜流孤雲飛處是松楸無端行近還鄉路卻傍  
西山入相州

過邯鄲四絕

富貴榮華一嘆嗟依然夢裏說韶華千年幾度山河改空指

遺臺是趙家

人事存亡不易知及時娛樂恨君遲後人共指叢臺笑三尺堯階竟屬誰

川原落落曙光開四顧河山亦壯哉前日少年今白髮只應孤塔記曾來

死去生來不一身定知誰妄復誰真邯鄲今日題詩客猶是黃梁夢裏人

楊祕監馬圖

大青小青天馬姿楊侯房星非畫師忽見奚官記前事東華馳道晚涼時

竹溪夢遊圖

意外荒寒下筆親經營慘淡似詩人何時萬頃風煙裏白髮遺山先生集

卷十二

十

陽泉山莊

刀騷一幅巾

藥正卿餉酒

宿醒未解渴生塵驚見王宏餉酒人獨恨文書困佳客不來同醉五更春

王都尉山水

平林漠漠數峯間詩在巖姿隱顯間自是秦樓畫眉手不能辛苦作荆關

贈絕藝杜生

迢迢離思入哀絃非撥非彈有別傳解作江南斷腸曲新聲休數李龜年

趙大年秋溪戲鴨二首

寒沙折葦浙江灣詩在波浪滅沒間前日扁舟人老矣卻從

圖畫羨君間

畫家朱粉不到處淡墨自覺天機淡賣酒壚邊見崔白王孫  
真有五湖心米元章畫史趙昌王友崔白但可爲酒家逆牆壁耳

自題二首

共笑詩人太瘦生誰從慘淡得經營千秋萬古回文錦只許  
蘇娘讀得成

千首新詩百首文藜羹不糝日欣欣鏡中自照心語口後世  
何須楊子雲

北歸經朝歌感寓三首

南來山勢漸坡陀蕩蕩川涂接大河馬上哦詩無好語聊從  
白塔記朝歌

黃屋何曾土作階禍基休指九層臺書生不見千年後枉爲

遺山先生集

卷十二

十一

陽泉山莊

君王泣玉杯

墨翟區區不近情回車曾此避虛名采薇惟有西山老不逐  
時人信武成

內黃道中楚王廟荆公有誰合軍中稱亞父卻須推讓  
內黃兒之句因爲范增解嘲

一怒屠城一說留書生剛爲范增羞軍中老子關何事付與  
兒曹調沐猴

題蘇氏寶章

二老風流有典刑諸郎蘭玉映階庭峨眉寶氣千年在未數  
陳家聚德星長公忠義似顏平原次公冲澹似林西湖故字畫有不期合而合者取後數帖所謂蘇氏三虎

叔黨取  
怒耳

劉氏明遠庵三首

豪氣元龍百尺樓功名場上蚤抽頭  
路人不識間居士袖手  
雍容活兩州

世間無物礙虛空  
宴坐經行一體同  
老眼不應隨鏡轉  
江山只在胸中

落落雲間晚照開  
上方別有妙高臺  
栽花種柳明年了  
拄杖敲門日日來

題李庭訓所藏雅集圖二首

萬古文章有至公  
百年奎壁照河東  
衣冠忽見明昌筆  
更覺升平是夢中

景星丹鳳一千年  
合著丹青與世傳  
誰畫風流王李郝  
大河南望淚如川

王謂仲澤李謂長源郝謂仲純

南關二首

遺山先生集

卷十二

三

陽泉山莊

風裏秋蓬不自由  
一生幾度過隆州  
無情團柏關前水  
流盡朱顏到白頭

路轉川回失繫舟  
更教兩驛過徐溝  
多情團柏關前水  
卻共清汾一處流

是日自徐溝宿南關

馬坊冷大師清真道院三首

水際茅齋星散居  
白雲間伴五溪魚  
茂林脩竹山如畫  
蘸碧軒中恐不如

枯蒲折葦障清灣  
千里風荷指顧間  
安得西湖展江手  
亂鋪雲錦浸青山

靜中人境兩翛然  
我亦因君有靜緣  
已約青山來枕上  
水亭風榭看明年

惠崇獐猿圖

月嘯煙呼本不羣筆頭同是一溪雲野情山態令人羨世路  
機關不似君

寄史同年二首

情話通宵慰別離殷勤釀酒趁花期沁南只道梅花蚤猶較  
歸程十日遲

相君許送買山錢晚歲鄰居定有緣一樹梅花一尊酒知君  
東望亦淒然

宋周臣生子二首

試手君家助喜詩秋風丹桂長新枝昂霄聳壑他年見水月

同宮記此時水月同宮五星家謂人以此時生者長必貴

玉季金昆世共賢天將文筆付家傳清新未要梅花賦射虎

留看第二篇鄉先生宋濟川以射虎詩著名

遺山先生集

卷十二

十三

陽泉山莊

雛鳳來時鶴卵成兩兒前後不多爭阿寧解語應須道猶是

渠家百日兒

乞酒示皇甫季真

醉頭慵舉睡昏昏夢裏青旗雪擁門枕上一杯風味好糟牀  
何處得茶渾

李白騎驢圖

八表神游下筆難畫師胸次自酸寒風流五鳳樓前客枉作  
襄陽雪裏看

許由擲瓢圖

不知黃屋不知堯喧寂何心計一瓢我是許由初不爾只將  
盛酒杖頭挑

九月晦

松楸千里動悲哀  
說道回家蚤晚回  
九月忽驚今日盡  
滿城風散紙錢灰

雜著

燒殘芻狗不能神  
一色貂裘爛帽新  
好箇路傍官墩子  
經年端坐看行人

送窮

送君君去欲何之  
暫去還來也不辭  
但媿苦無相贈物  
柳船輕似去年時

卽事

四長東州貢姓名  
阿茶能誦木蘭行  
元家近日添新喜  
掌上寧兒玉刻成

寧兒叔開小字阿茶第四女子叔開

侯相公所藏雲溪圖會命賦詩三首但記其一云祖道

遺山先生集

卷十二

齒

陽泉山莊

東門未有滙田君  
方駕入宮車  
祇應千古浪溪路  
人說山中宰相家  
相公以體重不任步趨詔許駕小車  
至朝殿外門故余詩及之  
北渡後往東平路經雲溪  
因爲之賦

黃山圖子翰林詩千里東州有所思  
前日相公門下客  
國公家戚獨來時

陳德元竹石二首

一片春雲雨未乾  
兩枝新綠倚高寒  
瘦龍不見金書字  
試就宣和石譜看

萬戶綱船出太湖  
九州膏血一時枯  
阿誰種下中原禍  
猶自昂藏入畫圖

同漕司諸人賦紅梨花二首

梨花會比太真妃別有風流一段奇白雪爲肌玉爲骨淡妝  
濃抹總相宜

瓊枝玉蕊靜年芳知是何人與點妝可道海棠羞欲死能紅  
能白更能香

吳子賢樗庵二首

人道樗形百醜全我知造物向君偏世間正有明堂柱偃蹇  
風霜得幾年

廣莫初無匠石過一工一壑柰君何世間正有明堂柱春草  
輸贏較幾多

太一蓮舟圖三首爲濟源奉先老師賦

老師吾宗盟

泠泠風外到僊臞琢玉羊欣定不如六合空明一蓮葉更須

遮眼要文書

仙人在蓮葉臥看書

遺山先生集

卷十二

五

陽泉山莊

僊人寧得此婆娑亾柰丹青狡獪何我與太虛同一體也無

蓮葉也無波

泰一青藜出漢年明窗開卷一欣然憑君莫問題詩客不是

韓駒第二篇

遊天壇雜詩十三首

芳樹陰陰鳥語譁綠雲晴雪映紅霞青山可是堪人恨藏著  
中巖十里花

漫山白白與紅紅小樹低叢看不供總道查花香氣好就中

偏愛玉瓏鬆

花名有玉瓏鬆

只願長城沒徹頭豈知蒸土更堪憂秦人若見千年後抱杵

臨洮老死休

避秦溝

溪童相對采椿芽指似陽坡說種瓜想是近山營馬少青林



淡處有人家

僂貓聲在洞中間憑仗兒童一問君同向燕家舐丹鼎不隨

雞犬上青雲仙貓洞是日兒子叔儀呼貓應者一土人傳燕家雞犬升天貓獨不去

諸峯羅列擁朝臺落日行雲一望開絕似太山山上客分明

齊嶺是徂徠

空翠霏煙海浪淡鰲頭鵬背半浮沈不知腳底山多少還盡

平生未足心

湍聲洶洶落懸崖見說蛟龍擎石開安得天瓢一翻倒躡雲

平下看風雷時早甚故云

僂壇倒影鳳麟洲一道雲光插素秋也是天公間不得海東

移著海西頭

道民終不忘天台姓字依然在蜜崖為問松臺千歲鶴白雲

遺山先生集卷十二 十一 陽泉山莊

何處不歸來近歲盧氏蜜崖人迹不及處有題字云道民天台司馬承禎過松臺即白雲老葬地

僂人龍躡三為鞭石穴留書世不傳弱水蓬萊三萬里青山

今古幾何年近年人有得司馬先生石穴所藏丹經子獲觀于山陽

風期身後復身前一讀丹華似有緣八表神遊吾豈敢或能

搖筆賦巫天

擬著茅齋北斗平殘年細讀洗心經詩成應被盧同侯曾見

青山養伯齡盧同送伯齡出山云伯齡不厭山山不養伯齡子以早當出山故自戲云北斗平在天壇之後

初發潞州

潞州住久似并州身去心留不自由白塔亭亭三十里漳河

東畔幾回頭

雜詩六首道中作

鼠肝蟲臂復何辭坎止流行亦有時已被吳中喚僮父卻來

河朔作炎兒

隆州兵騎往來衝客路  
灰郊更向東  
大似天教浣塵土  
數程都在水聲中

懸崖飛瀑駭初經  
白玉雙龍擊迅靈  
卻恨暑天行過速  
不曾赤腳踏清泠

黃華北下馬陵南  
佛屋燒殘有石龕  
想是故鄉行欲近  
粥糜渾覺水泉甘

莊休通蔽互相妨  
鄉社情親豈易忘  
司命果能還舊觀  
髑髏端合羨侯王

鄉關白日照青天  
徒步歸來亦可憐  
袖裏新詩一千首  
不愁錦繡裹山川

遺山先生集

卷十二

七

陽泉山莊

遺山先生集卷第十三

元張德輝頤齋類次 平定後學張穆石舟校梓

七言絕句

初挈家還讀書山雜詩四首

并州一別三千里滄海橫流二十年休道不蒙稽古力幾家  
兒女得安全

天門筆勢到閑閑相國文章玉筍班從此晉陽方志士繫舟  
山是讀書山

繫舟先大夫讀書之所閑開公改爲元子讀書山又大參楊公叔玉謨先人墓銘

眼中華屋記生存舊事無人可共論老樹婆娑三百尺青衫  
還見讀書孫

乞得田園自在身不成還更入紅塵只愁六月河堤上高柳  
清風睡殺人

遺山先生集

卷十三

陽泉山莊

賦餅中雜花七首

子絕愛未開杏花故未篇自戲

老柳驚看節物新今年更與酒杯親東山一道花如繡從此  
他鄉不是春

香中人道瑞香濃誰信丁香臭味同一樹百枝千萬結更應  
薰染費春工

生紅點點弄嬌妍半坼花房更可憐傳語春風好將護莫教  
容易作銀錢

紅抹蘭膏綠染衣綠嬌紅小兩相宜華邊賸有清香在木石  
癡兒自不知

素豔來從月姊家溫風淑氣發清華人門自有交枝玉天上  
休開六出花

昨日桃華錦片新兔葵今日到殘春低枝留得稀疏朵比似

全開更惱人

古銅瓶子滿芳枝  
裁翦春風入小詩  
看看海棠如有語  
杏花也到退房時

贈羅友卿三首

一般花木各榮枯  
筦庫區區亦仕塗  
前日江東羅給事  
只今城裏范萊蕪

不離城市得幽棲  
未要坊名改碧雞  
種下五株桃樹子  
本無心學浣花溪

間中日月病中身  
寂寞相求有幾人  
莫怪門前可羅雀  
詩家所得是清貧

又解嘲二首

雁後花前日日閒  
頗思尊酒慰愁顏  
憑君細數東州客  
誰在遺山先生集

卷十三

二

陽泉山莊

花花綠綠問

詩卷親來酒醖疏  
朝吟竹隱暮南湖  
袖中新句知多少  
坡谷前頭敢道無

爲衍聖孔公題張公佐湘江春早圖二首張自書云涂

水張公佐畫時年八十一先大夫嘗題公佐畫有雲

靜洞庭秋寺月雨昏湘浦夜船鐙之句因及之

郭熙畫筆老益壯  
未比并州九十翁  
想是江南春夢裏  
水邨曾見酒旗風

黃陵祠下雨如繩  
老筆題詩想舊曾  
今日圖間見晴景  
依然愁絕夜船鐙

渾源望湖川見百葉杏花二首

四月山泉凍未開  
東君纔爲挽春回  
多情丹杏知人意  
留著

雙華待我來

兒時憶向西溪廟丹杏曾看百葉花今日山中見雙朵自憐  
樵悴老天涯

陵川西溪二仙廟有百葉杏兩枝在殿前

代州門外南樓二首

東洛西秦往復回幾番風雨與塵埃家山取與南樓近三十  
三年恰再來

汀樹微茫岸草青淖河四月水泠泠風山可是生來巧堪與  
南樓作臥屏

杜生絕藝

杜生絕藝兩絃彈穆護沙詞不等間莫怪曲終雙淚落數聲  
全似古陽關

以玉連環爲呂仲賢壽

遺山先生集

卷十三

三

陽泉山莊

玉環何意兩相連環取無窮玉取堅願得主人如此物呂翁  
他日作回僊

德華小女五歲能誦余詩數首以此詩爲贈

牙牙嬌語總堪誇學念新詩似小茶好箇通家女兄弟海棠  
紅點紫蘭芽

唐人以茶爲小女美稱

劉壽之買南中山水畫障上有朱文公元晦淳熙甲辰

中春所題五言得於太原酒家

蜀山青翠楚山蒼愛玩除教寶繪堂且道中州誰具眼晦庵  
詩挂酒家牆

跋紫微劉尊師所畫山水橫披四首

劉時年八十六

溪橋獨步

納納溪橋逗晚風水邨山閣往來通馬蹄踏徧黃塵路畫裏

初逢避俗翁

夏山欲雨

胸次江山老更奇  
太初元氣入淋漓  
僊翁不是人間客  
俗筆休將比郭熙

江亭會飲

瓦盆濁酒憶同傾  
鄉社豐年有笑聲  
世外華胥誰復夢  
且從圖畫看昇平

秋江待渡

筆頭雲景性中天  
誰似僊舟有靜緣  
只合此間添此老  
脫巾和月弄江煙

東山四首

半欲天陰半欲晴  
層巒疊嶂各分明  
去年風雪無多景  
看盡

遺山先生集

卷十三

四

陽泉山莊

東山是此行

自笑平生被眼瞞  
看山只向畫中看  
天公老筆無今古  
枉著

千金買范寬

錦里春光風馬牛  
鳥飛不到太湖秋  
一丘一壑都堪老  
且具

神山煙景休

馬水橫陳聖阜前  
滹沱陂堰遠相連  
魚多只說牛家匯  
何處

秋風有釣船

牛家匯在神山下

曉起

鬢毛衰颯病凌兢  
暫入紅塵倦不勝  
學似玉山樵客了  
八年

流落醉騰騰

子痛飲至是八年故用韓致堯此句

追錄乙未八月十七日莘縣夢中所得

夢裏哦詩信口成  
分明濟水道中行  
夢回真到哦詩處  
滿馬

西風雲月清

春歸

野杏溪桃三兩枝春歸也作送春詩東君自愛長安好能住  
山城得幾時

感興四首

夢中驚見白頭新信口成篇卻自神天上近來詩價重一聯

直欲換青春

後二句夢中所得

詩印高提教外禪幾人鍼芥得心傳并州未是風流域五百  
年中一樂天

廓達靈光見太初眼中無復野狐書詩家關捩知多少一鑰  
拈來便有餘

好句端如綠綺琴靜中窺見古人心陽春不比黃華曲未要

遺山先生集

卷十三

五

陽泉山莊

千人作賞音

從孫顯卿覓平定小山

愛殺熙春萬玉峰網船回首太湖空一拳秀碧煙霞了蚤晚  
東山入袖中

發南樓度雁門關二首

雞聲未動發南樓澗水隨人向北流欲望讀書山遠近雁門  
關上懶回頭

稜膾戶燈倚高梯穹谷無人綠樹齊總爲古來征戍苦宿雲  
常傍塞垣低

墨竹扇頭

嫩香新粉玉交加小筆風流自一家只欠雪溪王處士醉來

肝肺出枯槎

王希古乞言

支幹空虛不救貧，素衣空染洛陽塵。  
一龜蚤晚搯牀了，袖手風簾閱市人。

龍門公墨竹風煙夕翠二首

渭川東望水雲寬，兩澗煙澗下筆難。  
今日龍門圖上看，蕭郎只合老荒寒。

煙梢露葉捲秋山，揮灑縱橫意自閒。  
莫問筆頭龍未化，看看霖雨滿人間。

從希顏覓篤耨香二首 追錄

綠洋奇品賽濃梅，永憶薰鑪試淺灰。  
尤物也知人愛惜，簾篩風動只縈回。

自倚詩情合得消，暮寒新火覺無聊。  
懸知受用無多在，試枉遺山先生集。

新詩乞斷瓢

卷十三

六

陽山莊

戲贈柳花

誰擘輕綿亂眼飄，不教翠紉綴長條。  
只愁更作浮萍了，風轉波衝去轉遙。

喬夫人墨竹二首

萬葉千梢下筆難，一枝新綠儘高寒。  
不知霧閣雲窗晚，幾就扶疏月影看。

只待驚雷起蟄龍，忽從女手散春風。  
渭川雲水三千頃，悟在

香嚴一擊中

夫人參洞下禪官省

醉貓圖二首 何尊師畫宣和內府物

窟邊癡坐費工夫，側輓橫眠卻自如。  
料得僊師曾細看，牡丹

花下日斜初



飲罷雞酥樂有餘花陰真是小華胥但教殺鼠如工了四腳  
撩天一任渠

自題中州集後五首

鄴下曹劉氣儘豪江東諸謝韻尤高若從華實評詩品未便  
史儂得錦袍

陶謝風流到百家半山老眼淨無花北人不拾江西唾未要  
會郎借齒牙

萬古騷人嘔肺肝乾坤清氣得來難詩家亦有長沙帖莫作  
宣和閣本看

文章得失寸心知千古朱絃屬子期愛殺溪南辛老子相從  
何止十年遲

平世何曾有裨官亂來史筆亦燒殘百年遺稿天留在抱向  
遺山先生集

卷十三

七

陽泉山莊

空山掩淚看

講武城

作計千年復萬年似嫌蒸土不能堅祇今講武人何在衰柳  
殘楊有亂蟬

藥山道中二首

石岸人家玉一灣樹林水鳥靜中間此中未是無佳句只欠  
詩人一往還

西風砧杵日相催著破征衣整未回白雁未衝霜信過青林  
間送雨聲來

善應寺五首

平岡回合盡桑麻百汊清泉兩岸花更得青山作重複武林  
何處覓僊家

石潭高樹映寒藤，閒有沙鷗靜有僧。總愛山陽竹林好，七賢  
來了更誰曾。

夕陽人影臥平橋，倦客登臨不自聊。且放游魚覓歸宿，爭教

白露遲風標。

山中魚鳥夙相親，問舍求田有主人。自讀舊題還自笑，七年

鞍馬只紅塵。

前題善應寺壁有紅塵數馬幾時休之句又七年矣

困不成眠百感生，田家燈火夜澆明。無因洗耳風沙底，枉費

潺潺落枕聲。

摘瓜圖二首 樗軒家物

四摘空留抱蔓詩，阿婆真作木腸兒。履霜只說琴心苦，不見

房陵道上時。

高鳥長憂挂網羅，如庵日月共消磨。憑君莫話前朝事，比似

遺山先生集

卷十三

八

陽泉山莊

黃臺摘更多

如庵密園公所居

黃華峪十絕句

岱崧王屋舊經過，自倚胸中勝概多。獨欠太行高絕處，青天

白日看山河。

樹經凍雨半青黃，山入高秋老更蒼。且就同遊盡佳客，不妨

五日未重陽。

紅葉黃花風露清，比來春色不多爭。秋山卻也堪人恨，白與

高歡作錦城。

絕壁孤雲仔細看，雲間龍穴想高寒。碧瀾寸寸橫秋色，空對

山靈說到難。

唐人到難篇有碧瀾之下寸寸秋色之句見文粹

玉立千峯畫，不如天公自有范。寬圖間山要著黃華老，千尺

珠簾得似無。

前輩間山詩有向使早逢周處士子端應不號黃華之句處士指周先生德卿

團團石甕琢青瑤  
仰面看雲覺動搖  
誰著天瓢灑飛雨  
半空翻轉玉龍腰

萬古飛流瀉不供  
枉教噴薄困魚龍  
謫僊賸有銀河句  
不道香鑪更一峯

天漢何因有蚌胎  
無窮冰雹落懸崖  
只愁駝背摸鋤錦  
翻倒龍宮復此來

落峽飛流散不收  
湍聲洶洶動高秋  
也應嫌被紅塵浣  
才近山門便泐流

乞得三泉住不成  
風沙鞍馬負平生  
故山定已移文了  
又被黃華識姓名

七賢堂

水上盤陀不見人  
煙中白露玉無塵  
竹林未恨風流減  
負殺

遺山先生集

卷十三

九

陽泉山莊

共城麴米春

是日有餽名酒獨酌水邊

峽口食鱸魚有感

無柰微雲疏雨何  
孟公詩律費研磨  
憑君莫愛襄陽好  
縮項鱸魚刺餒多

大簡之畫松風圖爲脩端卿賦二首

董元老筆鬱盤盤  
萬壑蒼雲復此看  
絕似鳳皇山下路  
秋風無際海波寒

新亭相泣血沾襟  
一日神州見陸沈  
好就崆峒山叟問  
醉眠春晝果何心

秋江待渡橫披

物外琴尊合往還  
爭教俗駕點溪山  
畫師果識閒中趣  
只作

橫舟落照間

贈荅要襄叔二首

長洲連日遠相迎，展讀新詩眼倍明。  
鄧下舊人多念我，感君兼有故鄉情。

文擬邛侯下筆難，韜春一讀不知寒。  
名家未覺風流滅，洗眼

青雲看阿端。襄叔之先人擬下邳侯，傳作寶韜春，以賦火焙又其兒子小字端平者方就學。

贈脩端卿張去華韓君傑三人六首

姓字舊熟相知新，三子皆我眼中人。  
洛西荒山有此客，酒光濺灩梅花春。

去華手中倒樹榭，亦要筆力挽千鈞。  
知君辦作南山豹，霧雨七日蔚成文。

埽地焚香樂有餘，情知怏怏米監書。  
枉教棄擲泥塗了，綠髮脩郎玉不如。

遺山先生集卷十三

十 陽泉山莊

古來馬隊非講肆，韓生頗似周生勤。  
學家都無僭，石粟老氣仍有壘天雲。

中庸胡公隔天壤。寶臣近日客死。大木失望工師來，明堂老手李明

府我知此公無棄材。謂李順陽吉甫。

乳虎守穴子可揆，所頭不屈貧所甘。  
異時三客俱炤炤，人倫東國吾無慙。

秋江曉發圖

百轉羊腸挽不前，旃車轆轤共流年。  
畫圖羨殺扁舟好，萬里

清江萬里天。

題山亭會飲圖二首

女几樵人塞上詞。劉景玄號溪南老子坐中詩。  
因君喚起山亭夢，好似三鄉共醉時。

曾將心事許煙霞酒榼書囊便是家前日山亭亭上客而今  
鞍馬老風沙

洛陽衛良臣以星圖見貺漫賦三詩爲謝

敗筆成工死不神侯門書卷欲誰親鰥鰥魚目漫漫夜盼到  
明星老卻人

參旗亦自遇災年橫被狐星射右肩牽牛只有搯機石送與  
天公折聘錢

西虎東龍總伏雌老墓卻是可憐兒星圖何物堪相報借用  
盧同月蝕詩

題鷺鷥敗荷扇頭

荷經凍雨綠全枯葦到窮秋影亦疏爲問風標兩公子此中  
能有幾多魚

遺山先生集

卷十三

十一

陽泉山莊

西山樓爲王仲理賦二首

天日晴明四望開樓中舒嘯亦悠哉闌干十萬人家裏只有  
青山入眼來

拄笏西山老騎曹朝來爽氣與秋高休將人物輕題品湖海  
元龍興未豪

樂天不能忘情圖二首

得便宜是落便宜木石癡兒自不知就使此情忘得了可能  
長在老頭皮

芙蓉脂肉紫霞漿別是僊家煖老方只枉柳枝拚下得忘情  
一馬亦何妨

燕省掾屬張彥通舉釋菜之廢典仁卿以詩美之亦賦

二首

一奠區區入詠歌請看文治竟如何李侯落筆非無意告朔羊存得已多

一日新儀見泮宮共驚縣蕤有遺風他州亦可燕中比只枉今無百彥通

采菊圖二首

信口成篇底用才淵明此意亦悠哉枉教詩景分留在百繞斜川覓不來

夢寐煙霞卜四鄰爭教晚節傍風塵詩成應被南山笑誰是東籬采菊人

無塵亭二首

霧廓雲開病未能波流草靡亦何曾胸中自有西風扇身外休論有髮僧

遺山先生集

卷十三

七

陽泉山莊

日日門前車馬喧玉壺冰簟酒如川亭中賸有題詩客獨欠

雲間李謫僊

時仁卿尙未到燕

李廣道寫真二首

華髮蕭蕭玉鍊顏一篇秋水想高閒須知八表神游客不在披裘擁絮間

擁絮披裘動數千肉身那得盡飛僊立門此老留教在滄海橫流未必然

錢過庭煙溪獨釣圖二首

鞍馬風沙萬里身眼明驚見楚江春綠蓑衣底立真子不解吟詩亦可人

小景風流二百年典刑來自米家船詩人無復承平舊重爲

遺音一慨然

畫學米元章楚山清曉故有上句

蒼崖遠渚圖二首

澗谷高林自一天紅塵無路近風煙兩椽茅屋平生了況是  
清溪有釣船

竹帛功名一筆無殘年那復計榮枯青山未得攜家去惆悵  
題詩是畫圖

三十醉樂圖

依樣胡盧畫不成三家兒女日交兵瓦盆一醉餬塗了比似  
高談卻較爭

鄉郡雜詩五首

郡

余家自五代以後自汝州遷平定宋末又自平定遷忻故文字中以平定為鄉

百年喬木鬱蒼蒼耆老風流趙與楊為向榆關使君道郡中

合有二賢堂

楊吏部之美泉落人閑閑會守此郡

遺山先生集

卷十三

五

陽泉山莊

神僊官府在瀛洲何意閑閑得此留莫笑山城小於斗他州

誰有湧雲樓

樓閑閑公所建

一溝流水幾橋橫岸上人家種柳成來歲春風一千樹綠煙

和雨暗重城

新堂縹緲接飛樓雲錦周遭霜樹秋若道使君無妙思冠山

移得近城頭

故鄉飛鳥亦裴回更覓何鄉養不才見說陽泉好春色野夫

乘興欲東來

宗人明道老師澹軒二首

潞人澹社有來源濟水分流到澹軒莫問軒中賓與主一家

同是潞州元

澹中無味著鹹酸老口年多不受謾流外已曾增一董不妨

傳法到黃冠

題商夢卿家晦道堂圖二首

松亭竹閣數家邨，通德仍餘舊里門。  
喬木未須論巨室，青衫今有讀書孫。

一作青衫誰有讀書孫

東國人門幾百年，素風纔到此公傳。  
卷中甚欲題詩句，慚媿韋家祖德篇。

商正叔隴山行役圖二首

隴坂經行十過春，也隨風土變眞淳。  
吳山沂水不必畫，留在秦音已可人。

夢中陳迹畫中詩，前日行人鬢已絲。  
我亦寒亭往來客，因君還寄出關詩。

息軒秋江捕魚圖三首

遺山先生集

卷十三

十四

陽泉山莊

擲網牽罾太俗生，煙波名利不多爭。  
綠蓑衣底玄真子，可是詩翁畫不成。

擊甕喧天網截河，得魚何啻一罾多。  
漁郎不作明年計，柰此纖鱗細甲何。

正始風流一百年，竹谿衣鉢有眞傳。  
玉堂人物今安在，紙尾題詩一慨然。

東平李漢卿草蟲卷二首

蟻穴蜂衙筆有靈，就中秋蝶最關情。  
知君夢到南華境，紅穗碧花風露清。

過眼千金一啜輕，畫家元有老書生。  
草蟲草道空形似，正欲爾曹鳴不平。

李資高亢視錢幣如糞土貴人求畫或大罵而去故不與世合

郭熙溪山秋晚二首



煙中草木水中山筆到天機意態間九十僊翁自游戲不應  
辛苦作荆關

雲樹微茫石崦開吳兒洲渚不塵埃憑君記取題詩處杖屨  
適從猗谷來

七賢寒林圖

萬古騷人有賞音畫家滿意與幽尋題詩記取崧前事絕似  
馮雷入少林

右丞文獻公著色鹿圖

野鹿標枝氣象間老皇頻歲赦秋山不妨右相丹青筆時到  
霜林紫翠間

李仲華湍流高樹圖

細密功夫足自神經營慘澹欲誰親卻應林影湍聲外猶欠  
遺山先生集

卷十三

五

陽泉山莊

吳山小筆春

小景風流恰入時留題紙尾竟何辭不因脫兔投林了何處  
而今更有詩

癸巳正月之變逆黨中有欲謀害已者賴仲華力爲營護得釋故篇末有及

益都宣撫田侯器之燕子圖詩傳本已亥秋七月余得

於馮翊宋文通家會侯之子仲新自燕中來隨以歸

之仲新謂余言兵間故物一失無所復望乃今從吾

子得之煥若神明頓還舊觀似非偶然者方謁時賢

以嗣前作幸吾子發其端因賦三詩丙午春三月河

東元某謹題

紅綫還驚掌上十年音息海漫漫渠家王謝堂前慣暗認  
曹劉可是難

古錦詩囊半陸沈吳楓句好入江濶世間妾婦爭相妒禽鳥

區區卻賞音

首句謂怨家投李長吉詩廁中

才氣田侯絕世奇  
山工零落更堪悲  
休驚燕子詩留在  
化鶴歸來未可知

前高山雜詩七首

夢寐煙霞十四鄰  
眼明今日出紅塵  
山中景趣君休問  
谷口泉聲已可人

山經地志總難憑  
鄉社流傳太俗生  
前後兩高從我改  
合教松海作新名

蚊聚蛙喧杳不聞  
已甘麋鹿與同羣  
胷中所得知多少  
半是青松半白雲

天池一雨洗氛埃  
全晉堂堂四望開  
不上朝元峯北頂  
真成不到此山來

遺山先生集

卷十三

六

陽泉山莊

世上初無物外緣  
人間卻有洞中天  
如何長伴王居士  
買盡青山不用錢

白驢前日鳳山回  
爲愛朝元復此來  
卻憶廣陵劉老子  
醉吟應在釣魚臺

白首同歸未省曾  
青山獨往竟誰能  
莫嫌麋鹿無情識  
比似人間少愛憎

楚山清曉圖

雨潤煙濃十二峯  
雲間合有楚王宮  
遙知別後西州夢  
一抹春愁淺淡中

題石裕卿郎中所居四詠

寓樂堂

此心安處是真歸  
念念今知故習非  
一首新詩一杯酒  
五陵

裘馬自輕肥

德恒齋

養心如虎亦良勤，血戰紛華老冊勳。  
百草千花過春雨，白衣蒼狗看浮雲。

雪巖

貞松勁柏四時春，霽月光風一色新。  
置屋懸崖儘堪老，層冰千里只愁人。

聾齋

弓刀陌上未知還，心寄漁郎答答間。  
名作聾齋疑未盡，嵒山衣鉢在遺山。

贈李子範家兒子

神理乘除不偶然，只疑陽報向君偏。  
試評掌上明珠價，幾倍遺山先生集。

卷十三

七

陽泉山莊

諸家覓藥錢

跋文獻公張果老圖

耆舊能談相國賢，功名欲占冷巖前。  
清風萬古猶應在，未用偃公甲子年。

三鄉雜詩三首

夢寐滄洲爛漫游，西風安得釣魚舟。  
薄雲樓閣猶烘暑，細雨林塘已帶秋。

尖新秋意晚晴中，六尺筇枝滿袖風。  
草合斷橋通暗綠，竹搖殘照漏疏紅。

溪南老子坐詩窮，窮到簞瓢更屢空。  
五鳳樓頭無手段，碧雞坊外有家風。

鈞州道中

野陰莽蒼日將夕歲律崢嶸風有聲從昔南山歌短褐何時  
北闕請長纓

邊山先生集卷之十三

卷十三

六

陽泉山莊

遺山先生集卷第十四

元張德輝頤齋類次 平定後學張穆頤洲校梓

七言絕句

榆社峽口郵蚤發

瘦馬長塗懶著鞭  
客懷牢落五更天  
幾時不屬雞聲管  
睡徹東窗日影偏

十月二十日雪

和氣休論歲欲豐  
且看蕪穢一時空  
臨高賞雪人何限  
誰在瓊瑤世界中

同兒輩賦未開海棠二首

翠葉輕籠豆顆勻  
煙脂濃抹蠟痕新  
殷勤留著花梢露  
滴下生紅可惜春

遺山先生集

卷十四

一

陽泉山莊

枝間新綠一重重  
小蕾淡藏數點紅  
愛惜芳心莫輕吐  
且教桃李鬧春風

哭曹徵君子玉二首

去歲流言到處疑  
聞君哭我不勝悲  
今年我在君先歿  
淚盡荒城君得知

繞墳三匝去無因  
千里冰霜半病身  
斗酒隻雞孤舊約  
素車白馬屬何人

二十六日蚤發安生道中雨木冰

玉樹瑤林世界寬  
木冰眞作雨花看  
青青也被翎塗盡  
松柏何曾保歲寒

書貽第三女珍

珠圍翠繞三花樹  
李白桃紅一捻春  
看取元家第三女  
他年

眞作魏夫人

隱秀君山水爲范庭玉賦

萬壑風煙入座寒六銖僊帔想驂鸞多少金闈畫眉手吳山纔得鏡中看

送子微二首

老年鞍馬不勝勞更問狐裘與繡袍到了龍門有何好伊川清淺石樓高

古來何物是經綸一片青山了此身亂後洛陽花木盡不妨間作水南人

楊祕監馬圖

天間誰省識眞龍金粟堆前草色空忽見畫圖疑是夢東華馳道麝香驄

遺山先生集

卷十四

二

陽泉山莊

岳山道中

野禾成穗石田黃山木無風雨氣涼流水平岡儘堪盡數家邨落更斜陽

雪行圖

太一僊舟雲錦重新郎走馬杏園紅騎驢虧殺吟詩客到處相逢是雪中

寄杜莘老三首

夢裏雲山一臥屏先生畫筆果通靈不妨行藥長安市纔是前生許道寧

一片青山共白雲春林煙景入晴曛祝君老眼明於鏡毫末清妍子細分

杯酒殷勤興不孤更教懷袖得新圖綠囊自是君家物醫得

煙霞痼疾無

己酉四月十七日度石嶺

四海虛名直幾錢世間何限好林泉無情石嶺關頭路行去  
行來又十年

劉君用可庵二首

末節繁文費討論經生規矩是專門惡惡不可惡惡可笑殺

田家老瓦盆

惡音鳥

著腳繩橋已足憂邯鄲匍匐更堪羞惡惡不可惡惡可大步

寬行老死休

耀卿西山歸隱三首

馬卿爲耀卿張君寫  
眞未幾被召北上

靜裏簞瓢不厭空北窗元自有清風傳巖只道無人識已落

君王物色中

遺山先生集

卷十四

三

陽泉山莊

馬卿似與物爲春難狀靈臺下筆親豫拂青山一片石異時

眞是卷中人

冠劍雲臺大縣侯富春漁釣一羊裘山林鍾鼎無心了誰是

人間第一流

雪岸鳴鶴

離離殘雪點荒叢更看幽禽慘淡中笑殺畫簾雙燕子秋千

紅索海棠風

東丹騎射

意氣會看小字詩畫圖今又識雄姿血毛不見南山虎想得

弦聲裂石時

虛名

虛名不直一錢輕喚得奴奴百謗生可惜客兒頭上髮也隨

春草鬪輸贏

投書圖二首

一束空書不療飢浮沈隨水恰相宜  
醫藥楮輕拋卻卻是  
洪喬見事遲

屈作書郵未有心百箇隨水聽浮沈  
虛名底用寒溫問卻是  
洪喬取賞音

題劉威卿小字難素冊後二首

伎道精微得處難書林頭白一儒冠  
陰功厚薄君休閒只就  
蠅頭細字看

齒牙餘論足輝光東國人倫趙與楊  
曾是兩翁門下客殘年  
袖手亦無妨

龐都運山水

遣山先生集

卷十四

四

陽泉山莊

門闌喜色到崔盧文賦聲名遍兩都  
重爲溪山感疇昔風流  
還有此翁無

歸義僧山水卷

崧少經行二十春野廩山鹿盡情親  
而今身落京塵底畫出  
林泉亦可人

武善夫桃溪圖二首

物外煙霞卜四鄰武陵不是避秦人  
軟紅香土君休羨干樹  
桃花滿意春

金罽毳毼六月寒桃花春夢隔征鞍  
青山歸計何時辦畫卷  
空留馬上看

巢雲曙雪圖武元直筆明昌名士題詠

風流人物見承平半向巢雲有姓名  
畫手休輕武元直胷中



誰比玉崢嶸

書扇贈李湛然

江楓搖落海門秋  
江水無風月半樓  
未要吳儂誇勝概  
已從詩境得天游

普照范鍊師寫真三首

嚮日神僊看地行  
只今煙駕想雲程  
石梁畫出西流寺  
無復鏗然曳杖聲

傾蓋論交了歲寒  
眼中人物似君難  
流波意在誰真識  
未絕朱絃已廢彈

鶴骨松姿又一奇  
化身千億更無疑  
人間只說乘風了  
覲面相呈卻是誰

祖唐臣所藏樗軒畫冊二首

遺山先生集

卷十四

五

陽泉山莊

綠淨紅香夢已空  
草黃沙白思無窮  
波間野鴨渾無賴  
長著

詩人慘澹中

敗荷野鴨

牧笛無聲畫意工  
水邨煙景綠楊風  
題詩憶得樗軒老  
更覺

升平是夢中

風柳牧牛

客意

雪屋燈青客枕孤  
眼中了了見歸塗  
山間兒女應相望  
十月初旬得到無

走筆題十老會請疏

痛飲形骸百不成  
天教鄉社送餘生  
病夫近日添新喜  
十老圖中有姓名

七夕

天街奕奕素光移  
雲錦機閒漏箭遲  
誰與乘槎問銀漢  
可無

風浪借佳期

避兵楊曲北山之羊谷題石龕

冥鴻正恐絳疑網脫兔不忘投茂林世故驅人眞有力天公困我豈無心

王子寒食

兒女青紅笑語譁秋千環索響啞啞今年好箇明寒食五樹來禽恰放花

馬雲卿畫紙衣道者像

太古清風市地來紙衣長往亦悠哉鐵牛力負黃河岸生被曹山挽鼻回

過威州鎬厲王故居

天道循環只眼前果誰烈焰與寒煙種瓜四摘橫間事抱蔓遺山先生集

卷十四

六

陽泉山莊

無人更可憐

眞味齋

麤飯寒齋老此身高人那計甌生塵味無味處君知否道著琴書已失真

歸義興侍者溪山蕭寺橫軸

石磴雲松百八盤東峯日上海波寒老來工壑風流滅卻就禪房覓畫看

雲溪此畫甚有泰山典刑因記東峯看日出時故有上句

喬夫八綵繡僊人圖

綵服僊童畫不如直疑萊子戲庭除青紅未是春風巧一頰椒花更有餘

出山像

不見恒星莫漫驚日頭從此向西生只知大事因緣了依舊

雲門望太平

胡壽之待月軒三首

一幅清風竹寫生月華霜白紙如冰天公老筆無今古枉卻  
坡詩說右丞

愛竹髯參發巧新能教一影具形神千門萬戶清光裏袖手  
東窗有幾人

形似何曾有定名每從遊戲得天成墨君解語應須道猶欠  
風琴一再行

論詩三首

坎井鳴蛙自一天江山放眼更超然情知春草池塘句不到  
柴煙糞火邊

詩腸搜苦白頭生故紙塵昏在乞靈不信驪珠不難得試看

遺山先生集

卷十四

七

易泉山莊

金翅擘滄溟

暈碧裁紅點綴勻一回拈出一回新鴛鴦繡了從教看莫把  
金鍼度與人

超禪師晦寂庵

無波古井靜中天三尺藜牀坐欲穿一語調君君莫笑妙高  
峯頂更超然

自題寫真

東塗西抹竊時名一線微官誤半生不畫幼輿巖穴裏野麋  
山鹿欲何成

贈寫真田生三章

人物翩翩美少年書中穎悟亦天然燕南只道丹青好棄擲  
泥塗自可憐

萬態千形畫裏看人人睂目與衣冠情知不是裴中令一片  
靈臺狀亦難

市井公卿萬不同依然見解一兒童張顛草聖雄千古卻在  
孫娘劒器中

一作逸  
不同

贈高君用

君諡  
仲弟

杏苑僊郎合揆花虛傳佳句滿京華丁寧王謝堂前燕文采  
風流有故家

周才卿拙庵

詩筆看君有悟門春風過水略無痕庵名未便遮藏得拙裏  
元來大巧存

郭大方自適軒

自適還曾自適無半生枯寂坐禪居馬卿若也知人意只畫  
遺山先生集

卷十四

八

陽泉山莊

梁家學案圖

風柳鳴蟬

輕明雙翼曉風前一曲哀箏續斷絃移向別枝誰畫得只留  
殘響客愁邊

晴景圖

白日青天下筆難要從明潤細尋看藏山只道雲煙好畫史  
而今盡熱謾

僧寺阻雨

山氣森岑入葛衣枯聲偏與客心期僧窗連夜瀟瀟雨又駁  
歸程幾日遲

金山

在浙  
口南

攢青疊翠幾何般玉鏡脩眉十二環常著一峯煙雨裏苦才

多思是金山

王子文琴齋

天上秋風月底霜求風一曲鬢絲長相如四壁消何物直要  
文君典鸕鶿

覃彥清飛雨亭橫披

百道懸流注夜光晝中亭榭亦清涼何人與問長安客赤日  
黃塵有底忙

讀漢書

室方隆棟非難構水到頽波豈易回豐沛帝鄉多將相莫從  
興運論人材

內相楊文獻公哀挽三章效白少傅體

征南諫疏無多語大度高皇有至仁留得青囊一丸藥異時  
遺山先生集

卷十四

九

陽泉山莊

猶可活斯民

中臺啟事山吏部東閣詞臣何水曹松柏蕭蕭一工土龍門  
依舊泰山高

姓名三字金甌重事業千年片簡青試向雲間望光彩看從  
何地現文星

戶勒問道圖

輕比韓彭作李陽高僧久已笑君狂中原果有劉文叔肯說  
鈴聲替戾岡

華光梅

草聖前頭一樹春豪華落盡只天真寫生今向君家見疑是  
華光有兩身

舊與趙景溫

浮雲流水易西東回首梁園似夢中一別十年今又別酒尊  
能得幾回同

夏山風雨

慘澹經營有許功吳僧誰得嗣宗風情知一雨收晴了更沒  
塵沙到坐中

春雲淡冶

一抹平林素練橫數堆寒碧白煙生春雲可是多姿態五字  
韋郎畫不成

雪谷蚤行圖二章

卷中多國朝  
名勝題詠

雪擁雲橫下筆難爭教萬景入荒寒詩翁自有無聲句畫裏  
憑君細覓看

畫到天機古亦難遺山詩境更高寒貞元朝士今誰在莫厭

遺山先生集

卷十四

十

陽泉山莊

明窗百過看

胡叟楚山清曉

翦得吳淞一片秋江山小筆也風流卷中未有題詩客留得  
才情趙倚樓

辛亥九月末見菊

黃菊霜華日日添也應有意醉陶潛鬢毛不屬秋風管更揀  
繁枝插帽簷

荅俊書記學詩

詩爲禪客添花錦禪是詩家切玉刀心地待渠明白了百篇  
吾不惜眉毛

夜宿山中

月華人影共徘徊未算歸程夢已回澗水悲鳴易愁絕長松

休送雨聲來

臺山雜詠十六首

甲寅六月

登臨夙有故鄉緣  
試手清涼第一篇  
知被錢郎笑  
寒乞不將錦繡裹山川

西北天低五頂高  
茫茫松海露靈鼇  
太行直上猶千里  
井底殘山枉叫號

萬壑千巖位置雄  
偶從天巧見神功  
湍溪已作風雷惡  
更在雲山氣象中

顛風作力掃陰霾  
白日青天四望開  
好箇臺山眞面目  
爭教坡老不曾來

山雲吞吐翠微中  
淡綠深青一萬重  
此景祇應天上有  
豈知身在妙高峯

遺山先生集

卷十四

七

陽泉山莊

山上離宮魏故基  
黃金佛閣到今疑  
異時人讀清涼傳  
應記諸孫賦黍離

一國春風帝子家  
綠雲晴雪間紅霞  
香繇穩藉僧鞵草  
蜀錦驚看佛鉢花

沈沈龍穴貯雲煙  
百草千花雨露偏  
佛土休將人境比  
誰家隨步得金蓮

兜羅繚界寶光雲  
雲際同瞻化現身  
解脫文殊俱有說  
是中知有木強人

眞向華嚴見化城  
翻嫌金屑翳雙明  
惡惡不可惡惡可未要  
雲門望太平

總爲毘耶口不開  
龍宮華藏頓塵埃  
對談石在維摩在  
珍重曼殊更一來

咄嗟檀施滿金田遠客游臺動數千大地噉噉困炎暑山中  
多少地行僂

石罅飛泉冰齒牙一杯龍焙雪生花車塵馬足長橋水汲得  
中冷未要誇

凜凜長松臥澗阿提壺悲嘯撫寒柯萬牛不道工山重細路  
公雲柰爾何

熱惱消除佛作緣山頭冰雪過尖天法王悲智無窮盡更看  
清涼偏大千

靈蛇不與世相關時復蜿蜒水石間何處天瓢待霖雨一龕  
香火梵僂山

跨牛圖

才子唐人冠服作歌  
詩狀牛後帶琴書

畫出昇平古意同江邨渺渺綠楊風看來總是哦詩客遠勝

遺山先生集

卷十四

七

陽泉山莊

騎驢著雲中

隨駕張珪似  
是摹故人本

贈湛澂之四章

眼花看碧漸成朱兀兀陶陶樂有餘柳岸醉僧堪一笑強教  
分別竟何如

兒女團團龐行婆漉羅活計苦無多布囊歸去詩千首猶欠  
庭珪墨一螺

十年不見山堂老賴有澂之在眼中總道木庵枯淡好東風  
花柳各青紅

散聖風流有別傳漆瞳一點出人天石門故事君知否好佐  
涪翁學刺船

乙卯二月二十一日歸自汴梁二十五日夜久旱而雨

偶記內鄉一詩追錄於此今三十年矣



桑條沾潤麥溝青  
車車耕車鬧曉晴  
老眼不隨花柳轉  
一犁春事取關情

三門集津圖

南北爭教限大江  
吳家纔了又陳公  
畫工只說三門險  
不記茅津一葦航

乙卯端四日感懷

衰年那與世相關  
苦被詩魔不放閒  
好箇舊家長樂老  
無才無德只癡頑

山邨風雨扇頭

總爲詩翁發興新  
直教畫筆亦通神  
莫嫌風雨無多景  
截斷黃塵亦可人

跋蕭師鷺鷥敗荷扇頭

徐榮之畫

遺山先生集

卷十四

三

陽泉山莊

蕭蕭煙景帶霜華  
公子風標浪自誇  
可道浣花詩境好  
鷓鴣鷓鴣滿晴沙

袁顯之扇頭

雙鷺聯拳只辦愁  
枯荷折葦更窮秋  
風流綠影紅香底  
好箇鴛鴦百自由

贈司天王子正二首

慣見河邊織女機  
枯槎八月未成歸  
樓遲零落今如此  
枉卻星翁比少微

天容海色本澄清  
萬古東方有啟明  
七十七年強健在  
不妨林下看昇平

工部趙侍郅下世日作

鶴骨翛然臥石牀  
情知合眼卽偃鄉  
安時處順吾儒事  
枉卻

跋邪律浩然山水卷

六月三泉松桂寒西風蚤晚送歸鞍無因料理黃塵了只得  
青山紙上看

貞燕二首

杏梁雙宿復雙飛海國爭教隻影歸想得秋風漸涼冷謝家  
兒女亦依依

污潔難將一類推舊家紅綫可無疑豚魚自是詩家語輕擬  
庭闈恐未宜

楊祕監雪谷蚤行圖

息軒畫筆老龍眠雪谷冰橋自一天六月高樓汗如雨豈知  
方外有詩僊

遺山先生集

卷十四

十四

陽泉山莊

杜莘老夏日汾亭橫軸

仕侯老筆堯民意黃閣清風有故家庸俗紛紛小兒女枉教  
塵土浣煙霞

武元直秋江罷釣

暮山明月曉溪雲今古僊凡此地分醉後狂歌問漁叟殘年  
何計得隨君

張彥遠江行八詠圖

奉使時  
所見

楚山平浸楚江流放眼江山得意秋一寸霜毫九雲夢合教  
轟醉岳陽樓

題馮漕緩之頽人在澗橫軸

胡先  
生畫

見說雲霄意氣豪幾回攬鏡借顛毛不爭畫得林泉好轉使

山人索價高

題邢公達寒梅凍雀圖

褐衣相媚不勝情只許乾暉畫得成卻被詩人笑寒乞一枝  
風雪可憐生

秀隱君山水

烏鞍踏破軟紅塵未信溪山下筆親圖上風煙有瀟灑畫家  
亦有魏夫人

同梅溪賦秋日海棠二首

錦水休驚散綵霞換根元自有靈砂瓊枝不逐秋風老自是  
人間日易斜

翠袖紅妝又一新秋風秋露發清真丹青寫入梅溪筆桃李  
從今不筭春

梁氏先人手書

遺山先生集

卷十四

五

陽泉山莊

玄蚪飛跳九天門秦火驚看片紙存耆舊風流知未滅青衫  
還見讀書孫

薊北杜國寶以真定教官李進之所誤大父中憲公及  
其先人帥府從事行狀見示用題三絕其後

總道清流解致君白袍唐日已紛紛科名屈殺漁陽老章甫  
何人不惠文

兒戲將軍百不知枉將壁壘付安危論功纔得鹽山令堂上  
奇兵果是誰

堂掾談經見蚤成諸郎難弟復難兄長留北海文章在千古  
雲麾有姓名

贈訾子野高士三章

僊翁高弟獨君優曾次清明辨九流我是愚溪一愚叟不妨

同醉訾家洲

月旦今誰許與陳乍賢乍佞日紛紜  
高肩燕領非吾事一片靈臺欲付君

虛名玉表或曆中薄命何堪與共功  
東國人倫要真識好將傳與黑頭公

戲相師

珥貂簪筆起鉏犁何必人人貫伏犀  
胷次九流君自了看來唯少醉如泥

留贈丹陽王鍊師三章

信得人間比夢間一卮芳酒且開顏  
當時笑伴今誰在詩客淒涼飯顆山

爛醉立都有舊期百年人事不勝悲  
桃花一簇開無主留著遺山先生集

卷十四

去

陽泉山莊

東風與兔葵

繁盡貂裘白髮新京華旅食記前身  
僂翁相見休相笑同是邯鄲枕上人

元夕 以下續編

花影燈光一萬重青衫驄馬踏東風  
彰陽舊事無人記二十年似夢中

除醮

枕幃餘韻取清眞夢裏猶來著真人  
擬借濃陰作羅幕玉纓多處臥殘春

爲楸子醮金二首

明珠評價敵運城棄擲泥塗意未平  
十萬人家管絃裏獨憐金石隱商聲

秋來聞說酒盃疏，卻爲窮愁解著書。知是遺山亭上客，無衣無褐欲何如。

李子範生子

六峯靈氣未消沈，雛鳳翩翩翠作衿。名姓定知書小錄，作詩先與喚瓊林。

柏鄉光武廟

老樹剜心不更春，當年曾見漢儀新。憑君莫話春陵事，笑殺中原逐鹿人。

和德新丈

二年老眼暗兵塵，今日逢君喜事新。結伴還鄉有成約，不應先作北歸人。

春日寓興

遺山先生集

卷十四

七

陽泉山莊

雨過橫塘水滿堤，亂山高下路東西。一番桃李花開盡，惟有青青草色齊。

滄浪圖

萬頃煙波入夢頻，眼中魚鳥覺情親。而今塵滿西風扇，愧爾青山獨在人。

倦繡圖

香玉春來困不勝，啼鶯喚夢幾時膺。可憐憔悴田家女，促織聲中對曉燈。

雪谷曉行圖

漫漫長路幾時休，風雪無情夢亦愁。羨殺田家老翁媪，瓦盆濁酒火鑪頭。

浩然雪行圖

曲江花柳自昇平雪爛冰橋去國情杜卻卷中留好語畫師  
寒乞可憐生

岳邦獻壽

見君誰不愛清醇壽席今年樂事新八十老翁持酒勸酣歌  
一曲太平春

風柳歸牛圖

爲張伯英賦

破塘渺渺綠楊風牛背昇平萬古同忽見畫圖還自笑枉將  
書策課兒童

子和麋鹿圖

白髮刁騷一秃翁塵埃無處避西風野麋山鹿平生伴惆悵  
相看是畫中

賈氏怡齋二首

遺山先生集

卷十四

六

陽泉山莊

兒女青紅薦壽觴階庭蘭玉立諸郎黃金甲第知何限誰有  
怡齋致樂堂

一門難弟復難兄藉甚州閭月旦評見說病中王處士感君

兼有急難情

王敦夫寒病勞復歷兩月之久委頓殊甚仲德躬自調護迄於平善州里稱焉故上句及之

與西僧倫伯達二首

行雲孤鶴萬緣輕遙見鄉關眼便明不似遺山元老子塵埃  
風雨過平生

半世秦川在夢中幾時蓮社與君同淵明自比吾何敢或有

新詩及遠公

遺山先生集卷之十四

元張德輝頤齋類次 平定後學張穆頤洲校梓

宏詞

章宗皇帝鐵券行引

臣嘗考唐史所載鐵券之說有二其一則將相有社稷之功者賜之其一則許藩鎮以自新者也唐自安史之亂之後盜據河朔若魏博若幽燕若鎮冀根結盤互一寇死一寇生天子不問有司不訶者數十年其制御之術可考也溫言善辭以開慰之高爵厚祿以尊寵之甚者又以待社稷臣之禮而禮之也辨理曲直洗滌怨惡質之於天地而示必信申之以丹鐵而圖不朽當是時武尅不剛君臣相與爲一切之計幸賊之不吾梗雖所求有過於此者將奔走而奉之故所謂丹

遺山先生集

卷十五

一

陽泉山莊

書之信特迫於不得已焉而與之耳道陵朝有以田氏所藏唐賜藩鎮鐵券來上者上爲製七言長詩以破其說名曰鐵券行臣幸獲觀焉自聖人以書契代結繩之政大樸雖散天理之眞淳者猶在人也治稍下衰而誓誥興信不足有不信夏后作誓而民始叛殷人作誥而下益惑蓋自結繩而爲書契自書契而爲誓誥利害相摩機械相直君父而臣子也君有不得於其臣臣有不得於其君天理之存者曾不毫髮況又自誓誥而爲鐵券其欲使人不叛且惑亦難矣故施之藩鎮不可也黃河泰山之盟不能救韓彭於旋踵之頃赤心白日之語又安可保唐室於威令復振之後乎施於功臣亦不可也君不得於其臣而與之爲不直臣不得於其君而受之爲不義不直不義幾何其不以功臣爲藩鎮也大哉孔子之

言曰天何言哉四時行焉百物生焉知乎此則知聖人所以  
及豚魚者爲不在彼也臣竊伏觀章宗皇帝以仁聖之姿淵  
懿之智緝熙光明之學正心誠意脩身治天下二十年之間  
大信之所孚股肱大臣之貴輿臺阜隸之賤皆不言而喻不  
約而隨不契而合不膠而固其視前世誓誥之繁固已貫三  
光而洞九泉矣況於恃片鐵以爲固者乎宜其播之於號令  
發之於歌詩慨然自得於大道破裂之後祛千載之惑爲萬  
世之戒也如此有詔下臣爲作篇引謹昧死百拜而言曰聖  
人之公之信皆天也臣何足以知之若夫雲漢之昭回日星  
之炳耀編之詩書而無愧質之鬼神而不疑者臣愚不自度  
量尙庶幾自託於不腐云臣謹引

秦王擒寶建德降王世充露布

已上二篇正大元年五月應辭科程文餘二篇

遺山先生集卷十五

二

陽泉山莊

光武中興頌大司農箴不及錄

臣聞天地之大無不容王者所以悉臣而悉主雷霆之擊無  
不滅神兵所以萬舉而萬全其有怙姦自終同惡相濟雖合  
從連衡而自爲得計而禁暴誅亂者理有固然輔車之勢未  
成連頸之刑已及陳餘之輔趙歇竟成泚水之亾公孫之得  
隗囂何救咸門之酷明鑒不遠覆轍相尋我國家統接軒符  
亂除秦跡斷鼇足以立四極射旄頭而靖八荒南征北怨而  
俱荷來蘇西被東漸而無思不服獨茲狂狡猶爾跳梁竇建  
德王世充者闖茸下材昏迷小醜要領不足以膏斧鉞名姓  
不足以污簡書僭號位以自居意兵刑之莫及狐鼠不神於  
晝出鷹鳩當化於陽和敢爲犄角之謀自隔照臨之遠魚肉  
兆姓塗炭二方稔惡貫以旣盈諒靈誅之莫遁五侯共憤期



分項羽之尸四塚旣成待葬蚩尤之骨臣與諸將等致行天  
討動稟睿謀謂虢旣滅則虜自亾故燕可先而齊當後肅將  
禁旅進次東都賊旣身來義當面喻人有請師之舉天開悔  
禍之期今不自歸後將無及計卽從於馴伏乃更肆於憑陵  
不虞當輒之難遽有背城之役臣等先登進擊深入合攻戰  
聲騰洛水之波怒氣動邙山之色紛投戈而蔽野殷流血之  
成川健將旣殲餘眾皆潰世充則堅壁自固恃求援之方來  
建德則埽境赴期曾胥亾之不悟臣等鼓已捷之勇迎自送  
之師破竹未比乎發機建瓴莫喻其乘勢武牢方啟突騎直  
前諸將引陣以當其衝微臣卷甲以出其後鱣鯢自警蟻蝨  
相悲以彼氣之旣歸當我軍之方銳亂難復整徒誇軍屬於  
鵠山勢不久存果見豆亾於牛谷臣以旣擒夏賊尋詣洛師  
遺山先生集卷十五  
三  
陽泉山莊

示之已獲之俘縱其所遣之使世充外謀已敗內勢又窮知  
無地而可逃乃詣軍而自縛一卒不損二盜克平其東都吏  
民等虐政久罹王靈甫及金鼓動發生之氣旌旗導長養之  
風莫不動地懽呼戴天感泣廓妖氛而一掃混文軌而大同  
升平之期自今以始茲蓋伏遇皇帝陛下沈幾先物神武應  
期從容高拱乎九重之中纖悉周知於萬里之外日將旦而  
羣陰伏顧小竊之何施天不言而四時行宜雋功之丕應臣  
某等謬司戎律初乏將材仰憑折筮之神俯遂請纓之志七  
旬來格微勞深愧於禹征萬壽無疆善頌敢忘於武拜

擬賀登寶位表

已下五題正大元年奉都堂鈞旨作

中國之有至仁無思不服聖人之得大寶咸與維新凡在照  
臨舉淡慶抃中謝竊以社稷隆神器之重父子處人倫之先

付與既公眾庶斯定我國家光宅天下丕冒海隅世祚承平  
古無倫僣先皇帝總持權柄宏濟艱難安強成道德之威信  
順得天人之助大功甫集明命有歸欽惟皇帝陛下孝弟通  
於神明忠厚及於草木聖神文武克享皇天之心獄訟謳歌  
皆曰吾君之子百年享國初得正傳三后在天更無遺恨大  
定明昌之治增光宜及於此時周宣夏后之功專美豈容於  
他日風雲嘉會日月中興臣等夙被生成重叨際會接千歲  
之統既欣厯數之有歸上萬年之觴行慶版圖之盡復

### 擬立東宮詔

惟王建國篤爲長世之謀惟國立儲茂正萬邦之本位號定  
而莫不以爲悅典禮崇而莫敢以爲私眷子上嗣之良優有  
中興之略內則視膳問安之禮備外則尊道讓齒之義隆謨  
遺山先生集 卷十五 四 陽泉山莊  
然仁孝之稱粹矣溫文之表朕自紹休於大統猶虛位於東  
朝乃考著龜之占乃稽方冊之寶夏后與子天人之望攸歸  
周家尙親廟社之尊斯在載涓穀旦爰闢青宮下以副四海  
之心上以對兩宮之訓某可立爲皇太子嗚呼文昭武穆夙  
詒燕翼之謀震長离明本有承華之象尙因主鬯之重嗣啟  
迺衡之期

### 擬除樞密使制

在天垂象璣衡通紫極之嚴稽古象賢有密極洪樞之峻故  
非智辯無窮則不足以語成敗安危之要非威望素重則不  
足以馭梟俊強悍之臣數求天下之奇才以屬國家之大計  
誕告於眾子得其人具官某沈鷺有謀於嚴不撓達用兵之  
善志厲許國之精忠戎陣有年膚公屢奏出奇應變森然武

庫之雄厭難折衝隱若長城之固屬機庭之虛職容羣牧以  
擇賢才氣無雙士皆樂屬李廣策慮愾億時則有若陳湯是  
用假以本兵之權置諸右府之長於戲漢有汲長孺邪謀寢  
於淮南唐相李文饒威令行於河朔蓋屈人貴乎不戰而銷  
患在於亾形予將以中興而責成爾其以上策而自任尚恢  
遠略無及近功

擬御史大夫讓樞密使表

憲府備員積有妨賢之畏樞庭謀帥遽膺制勝之求拊陋質  
以何堪對寵光而知懼

中謝

臣聞受祿過量忠臣恥其素餐

因能任官明主不以私授蓋物勝於權則衡爲之殆馬竭其  
力則御速於顛臣雖至愚敢忘斯義伏念臣智靈弗競器蘊  
尤疎初無落落過人之材徒有區區自信之志荐更中外無  
遺山先生集 卷十五 五 陽泉山莊

補事功竊憂大譴之方來敢謂異恩之橫被而况樞極通帝  
位之紀宥府嚴師律之謀周設六官司馬聯於冢宰漢分三  
府太尉列於中台故必文武智能之臣乃付腹心爪牙之任  
人歌宣后豈無吉甫之憲邦天放高皇宜得留侯而籌幄顧  
以非才而叨據在於公議而謂何伏望皇帝陛下大道曲全  
至明博照察臣心之有愧憫臣力之弗勝追還誤恩妙簡良  
輔退而勞力足昭名器之至公因是得人旋致朝廷之增重

擬除司農卿制

田政惟天下之大綱古有播百穀之命農臣分戶曹之外務  
令爲治六府之官况假以部使者之權位於中執法之次自  
非智數足以豐財賦風采足以動搢紳則何以察吏治之否  
臧究貨源之逼塞疇若予采僉曰汝諧具官某志大而氣剛

智明而才邵遇事不滯君然新發之鋒挺身而前凜乎後彫  
之節自預時髦之選浸階華貫之游蔚爲名臣簡在朕聽是  
用進以稽臣之貳委茲邦計之繁朕惟西北用兵以來朝廷  
多事之際斂散之術旣廢罪功之辨不明官必仰給於創罷  
之民民或重困於侵漁之吏蓋基本急於愛養而綱紀貴乎  
設張朕方以一道之事而責成爾得以三載之功而自郊於  
戲生之有道則財恒足率之以正則令必行劉晏之輕重相  
權算不忘於馬上范滂澄清自任志已見於車中罔俾斯人  
專美前世

遣山先生集卷之十五

遣山先生集

卷十五

六

陽泉山莊

遺山先生集卷第十六

元張德輝頤齋類次 平定後學張穆頤洲校梓

碑銘表志屬

平章政事壽國張文貞公神道碑

故相壽國張公之孫好退謂某言先大父之薨參知政事高公子約爲神道碑碑石已具遭貞祐之亂不克立好退南渡二十年乃還鄉里思卒前事而高公之文於時事有嫌不敢復議惟我先人以書生起家仕宦至宰相身存踐履之實國有經綸之業雖流風未遠而人代卽遷徵良史則鑿簡已公懷舊俗則高年丞盡瞻言工隴旌紀寂寥好退無所似肖不能奉揚徽烈負釁蒙累無以自處誠得吾子辱以第二牌賜之則瞑目爲無憾矣敢百拜以請某竊自念言不腆之文顧

遺山先生集

卷十六

一

陽泉山莊

無足以紀公之美且不能繼於而公之文之後固宜以不敏辭所以不敢終辭者蓋金朝官制大臣有上下四府之目自尙書令而下左右丞相平章政事二人爲宰相尙書左右丞參知政事二人爲執政官凡在此位者內屬外戚與國人有戰伐之功豫腹心之謀者爲多潢霄之人以閱閱見推者次之參用進士則又次之其所謂進士者特以示公道繫人望焉爾軒輊之權旣分疏密之情亦異孤寒之迹處乎危疑之間難入之言奪於衆多之口以常情度之謂必以苟容爲得計循默爲知體矣然而持區區之忠以盡心於所事如石右丞瑊董右丞師中胥莘公鼎之流慨然以名臣自任者亦時有之惟公歷仕四朝再秉鈞軸不難於他人之所難不徇於世俗之所徇忠信篤實足以自結人主名德雅望足以師表

百僚敦龐者艾足以填國家而撫百姓故百年以來談良相者莫不以公爲稱首夫善化一鄉智效一官人且喜聞而樂道之不欲使之隨世磨滅有如我公乃不得以著金石傳永久秉筆之士將不有其責者乎謹按儀同三司平章政事壽國文貞公諱萬公字良輔姓張氏唐名臣公謹之後唐末有自東海徙汶上者後又徙東阿遂爲東阿人曾祖諱晞行善好施鄉人歸之宣政末常出財佐軍二子得補國子助教用公貴贈銀青光祿大夫清河郡侯妣劉氏清河郡太夫人祖諱詢孝弟力田家用不匱贈金紫光祿大夫清河郡公妣崔氏清河郡太夫人考諱彌學篤於學問以尙書爲專門之業初應鄉試擢本經第一後罷經義科以詞賦取士復豫薦書已而嘆曰丈夫寧老於童子雕蟲之技邪吾不復出矣常

遺山先生集

卷十六

二

陽泉山莊

銘其左右云欲求子孫先當積孝欲求聰明先當積學世以爲名言累贈崇進壽國公妣王氏壽國太夫人生四子公其第四子也崇進公嘗夢至一大官府署曰張萬相公之室已而公生因以名焉公幼穎悟號稱博聞強記弱冠登正隆二年詞賦進士第釋褐潁順軍新鄭縣主簿丁崇進公憂服除調沂州費縣主簿正隆政衰盜賊羣起公有策禦之盜爲衰止邑人賴焉大定四年調遼陽府路辰淶鹽司判官課取超淄川長山令去官之日百姓爲之立祠十五年充尙書省令史考滿遷河北西路轉運司都勾判官歲餘改大理司直十一年遷武寧軍節度副使二十一年召爲尙書省右司都事朝廷知公始將大用矣未幾攝同知登聞檢院事奏對稱旨乃真受焉再遷侍御史不數月改右司員外郎郎中敷奏詳

明不爲緣飾世宗嘉賞之顧謂侍臣曰張萬公純直人也俄遷刑部侍郎章宗卽位詔以遺留使於宋使還會創設提刑司首命公爲河南路提刑使不朞年御史臺奏課爲凡路之取擢拜御史中丞時明昌元年也元妃李氏有寵上欲立爲后臺諫以爲不可交攻之監察御史姬端脩右拾遺路鐸翰林脩撰趙秉文皆得罪去一日上遣中使密訪公吾欲立后何所不可而臺諫乃不相容卿以爲如何公言此大事明日當面奏及對因爲上言國朝立后非貴種不豫選擇元妃本出太府監戶細微之極豈得母天下上默不言明日出公爲彰德軍節度使兼應州管內觀察使其後立后議寢上思公言召爲大興府尹二年九月拜參知政事以太夫人年過八十表乞就養不許未幾復申前請乃授山東西路兵馬都總管兼判東平府事以便親歲餘復以親老爲言乃聽歸侍六年起爲河中府尹時屬軍興調度百出公爲之平物價寬民力比他州所費省者什六七承安三年正月上以太夫人之故移公濟南尹河中之人爲建去思堂畫像事之九月丁內艱卒哭詔以明年正月朝京師起復授平章政事超資善大夫封壽國公主兵者言比歲征伐多至敗衄凡以軍事所給之地不足自贍至有不免飢寒者所以無鬪志願括民田之冒稅者分給之則戰自倍矣朝臣議已定公獨上章極諫其不可者五大略以爲軍旅之後瘡痍未復百姓拊摩之不服何可重擾一也通檢未久田有定籍括之必不能盡適足以增猾吏之敝長告訐之風二也浮費侈用不可勝計推之以養軍可斂不及民而足無待於奪民之田三也兵士失於選

擇強弱不別而使之同田而共食振厲者無以盡其力而疲  
劣者得以容其姦四也奪民而與軍得軍心而失天下心其  
禍有不勝言者五也必不得已乞以冒地之已括者召民蒔  
之以所入贍軍則軍有坐獲之利而民無被奪之怨矣不從  
卽以衰病不任職乞罷賜告兩月且以尙醫調護之泰和元  
年六月連章請老遷榮祿大夫且以公第四子某四赴庭試  
當同進士出身詔充閤門祇候又改筆硯局承應尋賜進士  
第所以優禮公者侂相莫與爲比二年章再上有旨卿頻上  
章告老寧以言事不見從或與同列者有差別故耶何求去  
之數也公奏言臣誠衰老當避賢者路無佗意也三年正月  
章再上不允加銀青榮祿大夫三月歷舉朝賢之可代己者  
求去甚力上爲感動中使宣旨朕卽位首命卿入政府繼

遺山先生集

卷十六

四

陽泉山莊

遷相位以卿習於典故處事詳雅春秋雖高而神明未衰故  
且以機務相勞今去意旣堅不得不屈朕以從卿耳明日入  
辭詔以金紫光祿大夫致仕公退居上所以待之者不少衰  
朝廷有大利害則遣使者就訪之六年南鄙用兵上以山東  
重地須大臣鎮撫之手詔起公判濟南府山東東西路宣撫  
使便宜行事公爲之布教條問民所疾苦貸逋賦以寬流亾  
假閒田以業單貧戍邊郡者戒之以守疆場毋敢妄動涖州  
郡者戒之以省符牒毋敢妄擾經畫旣定卽移文有司乞還  
鄉里上優詔許之仍加崇進以榮其歸七年冬十月寢疾一  
日令具湯沐灑埽庭內曰吾將逝矣命子益執筆書遺戒戒  
子孫以貴薄尙儉而已尋薨春秋七十有四上聞之震悼輟  
視朝賻贈加等祭葬皆用詔書從事有司攷行謚曰文貞仍



贈開府儀同三司以八年二月舉公之柩葬於青太里北原  
之先塋壽國夫人劉氏祔焉大安元年詔繪公像於衍慶宮  
配享章宗廟庭公資樸直不自表襮自少日便能以沈默自  
養平居不妄言笑事親孝待昆弟有禮與人交不苟合太夫  
人喜家居留官下者未嘗久每一書示至公必望拜庭下歛  
歔流涕而後發左右皆爲感動夫人前歿章宗欲有所賜再  
拜謝不敢當潔居終身兩童子自隨侍婢不得至其前閭居  
鄉縣與父老游敦布衣之好初不以名位自居仕宦五十年  
在州縣則治化清淨不事科罰而人有畏愛之實在朝廷則  
切於論列有不便於民者必委曲道之雖理若計直而辭氣  
容貌不失其爲大臣之體大定之治近古所未有紀綱法度  
備具周密公在相位謹奉行而重改作得守文之體故能不  
動聲氣而天下陰受其賜古所謂日計不足月計有餘者於  
茲見之故嘗論公平生所言者不勝載而繫於廢興存亡者  
有二事焉一立后二括田立后難於從而章宗從之括田不  
難於從而竟不聽其後武夫惛卒倚國威以爲重山東河朔  
上腴之田民有耕之數世者亦以冒占奪之兵日益驕民日  
益困養成癰疽計日而潰貞祐之亂盜賊滿野向之倚國威  
以爲重者人視之以爲血讎骨怨必報而後已一顧盼之頃  
皆狼狽於鏑鋒之下雖赤子不能免蓋立后之事在庭之臣  
皆以爲不可獨上以爲可故公之言易爲力括田之事上下  
皆以爲可而公獨以爲不可故難爲功以一言之不相入其  
禍果有不可勝言者是不獨在公爲遺恨異世相望亦當有  
太息而流涕者嗚呼豈非天邪銘曰

留侯授書三往雞鳴濟北有期迺祠嘉平神物不亾時出效  
靈穀城之張帝傳載生帝傳維何文貞壽公木訥之剛樸魯  
之忠以靜而應以介而通悃愾無華安事勇功卽署擢長憲  
臺進貳相業之良興陵所試大定之治講若畫一公如曹參  
守而勿失守而勿失民以寧謐賜則陰受跡容致詰皇天生  
之曷不成之孝孫受之曷不究之在昔所難在聽思聰烏羣  
於前孰知雌雄兵以農戰國從本固皮之不存毛將安傳一  
言之微邦可以興作法於貪敵將曷勝悔罔後及忠無前席  
我思古人愛而莫助黃山之陽喬木蒼蒼公墓有碑千載涕  
滂

王黃華墓碑

秦和壬戌冬內翰王公卒於京師道陵雅知公家無餘財將  
遺山先生集

卷十六

六

陽泉山莊

無以爲葬也詔有司贖錢八十萬以給喪事求生平詩文藏  
之祕閣未幾以御製詩賜其家其引云王遵古朕之故人也  
乃子庭筠復以才選直禁林者首尾十年今茲云亾玉堂東  
觀無復斯人矣其家以遺文來上尋釋之久良用愴然而其  
詩有天材超邁無慙琬琰之句蓋公門閥人品器識文藝一  
時名卿材大夫少有出其右者上意亦恨其得之晚而用之  
者百未一試也故殷重嗟惜之如此公諱庭筠字子端姓王  
氏家牒載其三十二代祖烈太原祁人避漢末之亂徙居遼  
東曹公特徵不應隱居終身其後遼東亦亂子孫散處東夷  
十七代孫文林仕高麗爲西部將歿於王事又八世曰樂德  
居渤海以孝聞遼太祖平渤海封其子爲東丹王都遼陽樂  
德之曾孫繼遠仕爲翰林學士因遷家遼陽繼遠孫中作使

咸飭避大林延之難遷漁陽咸飭孫六宅使恩州刺史叔寧  
遷白霄六宅生永壽居韓州遼天慶中遷蓋州之熊岳縣遂  
占藉焉永壽之長子政事金朝官至金吾衛上將軍建州保  
靜軍節度使保靜之中子遵古字元仲正隆五年進士仕爲  
中大夫翰林直學士文行兼備潛心伊洛之學言論皆可紀  
述明昌應詔有昔人君子之目子孫以昔人名所居之山而  
君子名其泉所爲志也中大夫四子庭玉庭堅次卽公太師  
南陽郡王張公浩之外孫生未朞視書識十七字六歲聞父  
兄誦書能通大義七歲學詩十一歲賦全題讀書五行俱下  
日記五千餘言涿郡王公儵然風岸孤峻少所許可一見公  
以國士許之弱冠擢大定十六年甲科釋褐承事郎恩州軍  
事判官臨政卽有能官之譽郡民鄒四者謀爲不軌事覺逮  
遺山先生集

卷十六

七

陽泉山莊

捕千餘人而鄒四者竄匿不能得朝廷遣大理司直王仲翰  
與公治其獄公以計獲鄒四分別註誤坐豫謀者十二人而  
已再調館陶主簿公蚤有重名天下士夫想聞風采謂當一  
日九遷乃今祿祿常選限於賢愚同滯之域簿書期會隨俗  
俯仰殊不自聊秩甫滿單車徑去卜居隆慮周覽山川以謂  
西山橫截千里隱然如臥龍起礎厝天平黃華至魯般門龍  
之首脊肋尾皆具而黃華蔚然涵濃秀之氣山有慈明覺仁  
二寺上下相去不半里所西抵鏡臺直雞翅洪之懸流幽林  
穹谷萬景全集一水一石皆崑閩間物顧視塵世殆不可一  
日居也乃置家相下買田隆慮借二寺爲棲息之地時往嘯  
詠若將終身焉晉人庾袞隱居義陽僅見於傳記黃華雖勝  
絕而近代無所知名至於高賢題詠亦罕及之自公來居以

黃華山主自號茲山因之築出太行之上人境俱勝於公見  
之山居前後十年得悉力經史務爲無所不闕旁及釋老家  
尤所精詣學益博志節益高而名益重明昌初用薦者以書  
畫局都監召俄授應奉翰林文字同知制誥遷翰林脩撰坐  
爲言事者所累出爲鄭州防禦判官承安初繼丁內外艱哀  
毀骨立幾至不起四年起復應奉翰林文字泰和元年復翰  
林脩撰扈從秋山應制賦詩至三十餘首寵眷優異蓋將大  
用暮年罹此不幸春秋五十有二實二年十月之十日也官  
至承務郎緋衣銀魚夫人張氏亦太師女孫子男三人萬安  
萬孫萬吉皆蚤卒女三人長曰從淨幼爲女冠公沒後以能  
詩召見特加敬異次日琳秀入侍掖庭季女幼在室公旣無  
子以弟庭淡之次子萬慶爲之後以蔭補官至行尙書省左

遺山先生集

卷十六

八

陽泉山莊

右司郎中文章字畫能世其家孫某曾孫某尙幼公儀觀秀  
偉善談笑俯仰可觀外視若簡貴人初不敢與之接一見之  
後和氣津津溢於顏間殷勤慰藉如恐不及少有可取極口  
稱道他日雖百負之亦不恨也從之游者如韓溫甫路元亨  
張晉卿李公度所引見者如閑閑趙公內翰馮公屏山李公  
皆爲文章鉅公下者猶不失爲名士世以知人許之爲文能  
道所欲言如文殊院斲琴飛來積雪賦及漢昭烈廟碑文等  
辭理兼備居然有臺閣體裁暮年詩律淡嚴七言長篇尤以  
險韻爲工方之少作如出兩手可爲知者道也有叢辨十卷  
文集四十卷傳於世世之書法皆師二王魯直元章號爲得  
法元章得其氣而魯直得其韻氣之勝者失之奮迅韻之勝  
者流爲柔媚而公則得於氣韻之間百年以來公與黃山閑

閑兩趙公人俱以名家許之畫鑒既高又嘗被旨與舅氏宣徽公汝霖品第祕府書畫因集所見及士大夫家藏前賢墨蹟古法帖所無者摹刻之號雪溪堂帖一十卷至於筆墨游戲則山水有入品之妙墨竹殆天機所到文湖州以下不論也每作一幅必以千文爲號不冝輕以予人閑閑有上公詩云李白一杯人影月鄭虔三絕畫詩書馮內翰挽章云詩名摩詰畫絕世人品右軍書入神人以爲實錄云癸丑夏六月某客燕中萬慶爲言先公之歿四十餘年矣南北喪亂初無歸顧之望衰年乃得灑埽墳墓工木已老而旌紀寂寥某死不得瞑目矣今屬筆於子幸有以惠顧之某不敏自初學語先夫人教誦公五言志學以來知慕公名德蓋嘗夢寐見之雖不迨指授至於不腆之文亦從公沾丐得之已嘗不自揆

遺山先生集

卷十六

九

陽泉山莊

之而繫以銘銘曰

山立兮揚休元精兮當中冠名士兮中朝何隱隱兮隆隆明昌天開文治昭融婉孌龍姿孰雲之從望公脩門斂佩從容行人會盟常伯秩宗閒燕論思袞職彌縫顧曷任弗勝而鉛槧是供生材實難間氣所鍾有物妒之隨以禍攻白駒忽其過隙乃欲歷九關而上通詩至夔州而僊文以潮陽而雄假公歲千寧阨以窮研摩於韓杜之後宜愈困而愈工養吾棟而先代果奚貴乎楠松謂公不遇耶獨簡在乎淵衷謂公爲遇耶方積絜之爲功昇鐵基而奪之而無庸計夫乖逢馬鬣兮蒿蓬摧熊嶽兮天之東望倒景兮不及抱明月兮長終澤

畔行吟俯水伯之幽宮裴回故都而不忍訣寫孤憤於回風  
謫傳長沙蝨賊內訌邈前席之不再俄占書之告凶貴大患  
若身兮羌今昔之攸同我作銘詩并以慰公使不幸而爲屈  
賈其何以釋立壤之遺恫

沁州刺史李君神道碑

君諱楫字濟川姓李氏系出隴西唐末其遠祖官汴梁石晉  
之亂流寓遼之北京是爲大定府金朝取遼有昭信校尉諱  
福者避亂雲中生子彥直爲汴京行臺令史仕至明威將軍  
宛工令卽君之考也宛工嘗尉淄川樂其風土遂爲淄川人  
路孟州宣叔換墓碑述先世之德備矣君年十六以蔭補轉  
運司押遞官時正隆南征在所寇盜充斥及歲終受代間關  
還侍下人以其年甫成童而能自樹立甚嗟惜之凡三歷酒

遺山先生集

卷十六

十

陽泉山莊

官遷忠武校尉君幼學穎悟雖已在仕籍所以爲舉子計者  
不少輟三赴省試皆入優等嘗以所業見鄭內翰景純景純  
大爲獎異謂君言吾子必名世吾鄉爲不乏人矣俄登大定  
十九年詞賦進士第換承務郎調歷城主簿改積石州軍事  
判官積石邊郡羌渾雜居君撫治有方人甚安之遷范陽令  
召補尙書省令史章宗以原王領省事愛君占對詳明審當  
每啟事退目送者久之終更留再考未幾除吏部主事陝右  
早甚詔君乘傳問民所疾苦君至關輔馳奏百姓苦飢當議  
有以賑貸之未報卽開倉賑貧所全活不勝計朝廷以爲知  
權不罪也改太府監丞兼職常四五朝譽旣著蓋將大用矣  
明昌三年以歲歉流乏者多故田野不闢詔君充山東東西  
路勸農副使君徧歷郡縣勸課備至世官有墮窳者率眞決

之徭役害農務者以便宜罷之是歲山東爲之有秋使還授  
中都路轉運副使京都承平日久經費十倍大定間一時府  
庫充實君有力焉丞相軍北行轉運司例以正員督餽饌同  
列方以從軍爲憂而君自請焉宰相重君之行爲改檄他員  
五年召授沁州刺史兼知軍事陛見之日有詔朕比欲以郡  
守命卿有司以卿資淺未當得郡朕識卿舊故有此授卿宜  
悉力爲民以稱朕意政成卽召卿矣朝貴重君材其行也祖  
道都門冠蓋塞路是夕太夫人張氏無疾而歿乃扶護還鄉  
里君天性純至初赴積石太夫人以六盤路險登頓殊甚山  
外高寒非老人所堪故留居鄉里君在官一年卽以長告歸  
侍年過五十每遠庭闈惻然有孺子之慕至是哀感過甚  
殆無以自存食飲淡薄且不以時進比葬柴毀骨立竟用是

遺山先生集

卷十六

十一

陽泉山莊

得疾以某年月日春秋五十有五終於服次隨以某日奉君  
之柩耐於某原之先塋執紼之人傾動州里行路爲之悽愴  
其誠孝之所感如此君自就學卽以和雅自將宛工洩官剛  
嚴君從容諫止以故多從寬厚歷中外餘十五年廉正敬慎  
超出倫等又其行己之所以移於官者也其登科時御題易  
無體同年生六十人自甲選張行簡至黃士表賦學家謂人  
人可以魁天下程卷皆鉅木以傳凡仕宰相數人刺史節度  
殆過其半人以此前世龍虎榜至論孝弟忠敬尙以君爲稱  
首云先娶沂州蒲氏再娶錦州張氏武安軍節度使臨海老  
人子雲之女再娶宛平王氏忻州刺史子正之女皆封某郡  
君子男二人長國瑞試補禮部令史再任南陽縣令以惠愛  
見稱次子國維興定五年進士歷符離葉令淳正古雅爲時

聞人女二人長適山東東路總管判官徒單喜僧次適南京  
廣盈倉副使趙思孫男女皆尙幼銘曰

處爲儒先出曰吏師明昌名臣道陵所咨至性薰然既厚其  
資於濟事也權於及民也慈永錫爾類從古有辭人子養親  
易失者時舍飴弄孫爲樂不貴聖善所宜神豈我私誰爲隙  
駒忽其崦嵫顧瞻立堂泣涕漣洏及母下泉尙慰我思孰物  
之尸孰命之司曷畀之者全而不以究施伐石西山勒我銘  
詩是維純孝李君之墓過者式之

遺山先生集

卷十六

三

陽泉山莊



遺山先生集卷第十七

元張德輝頤齋類次 平定後學張穆石舟校梓

碑銘表誌碣

閑閑公墓銘

唐文三變至五季衰陋極矣由五季而爲遼宋由遼宋而爲國朝文之廢興可考也未有古文有詞賦有明經柳穆歐蘇諸人斬伐俗學力百而功倍起天聖迄元祐而後唐文振然似是而非空虛而無用者又復見於宣政之季矣遼則以科舉爲儒學之極致假貸剽竊牽合補綴視五季又下衰唐文奄奄如敗北之氣沒世不復亦無以議爲也國初因遼宋之舊以詞賦經義取士豫此選者選曹以爲貴科榮路所在人爭走之傳注則金陵之餘波聲律則劉鄭之末光固已占高

遺山先生集

卷十七

一

陽泉山莊

爵而鈞厚祿至於經爲通儒文爲名家未暇也及翰林蔡公公正甫出於大學大丞相之世業接見宇文濟陽吳濛州之風流唐宋文派乃得正傳然後諸儒得而和之蓋自宋以後百年遼以來三百年若党承旨世傑王內翰子端周三司德卿楊禮部之美王延州從之李右司之純雷御史希顏不可不謂之豪傑之士若夫不溺於時俗不汨於利祿慨然以道德仁義性命禍福之學自任沈潛乎六經從容乎百家幼而壯壯而老怡然渙然之死而後已者惟我閑閑公一人公諱秉文字周臣姓趙氏閑閑其自號也世爲磁州滏陽人祖諱某用公貴贈正議大夫上輕車都尉天水郡伯考諱某贈中奉大夫上護軍天水郡侯李右司諱其墓述先世以來詳矣公幼穎悟讀書若夙習弱冠登大定二十五年進士第調安

塞簿以謀取遷邯鄲令再遷唐山丁郡侯憂用薦者及提刑廉舉起復充南京路轉運司都句判官丁太夫人某氏憂又用薦者起復應奉翰林文字同知制誥上書論宰相胥持國當罷宗室守貞可大用又言刑獄征伐國之大政自古未有君以爲可大臣以爲不可而可行者坐譏訕免官未幾起爲同知岢嵐軍州事轉北京轉運司度支判官承安五年冬十月陰晦連日宰相萬公入對上顧謂萬公言卿昨言天日晦冥亦猶人君用人邪正不分者極有理趙秉文曩以言事降授聞其人有才具又且敢言朕非棄不用直以北邊軍興姑試之耳泰和二年改戶部主事遷翰林脩撰考滿留再任衛紹王大安初北兵入邊召公與待制趙資道論邊備公言今大軍聚宣德宣德城小列營其外夏暑雨器械弛敗人且病

遺山先生集

卷十七

一

陽泉山莊

迨秋敵至我不利矣可遣臨潢一軍擣其虛則山西之圍可解兵法所謂出其不意攻其所必救者也王不能用其秋宣德以敗聞十月出爲寧邊州刺史二年改平定州前政苛於用刑盜賊無大小皆梃殺之聞赦將至先梃賊死乃拜赦而盜愈繁公爲政每從寬厚不旬月盜賊屏跡終任無犯者歲饑出俸粟爲豪民倡以振貧乏賴以全活者甚眾及受代老幼攀遮戀戀不忍訣已出郭復遮留之再三乃得去入爲兵部郎中兼翰林脩撰俄提點司天臺崇慶二年春太白經天公上奏歲八月當有人更王之變當國者以爲妖言置章不通及期王出居衛邸如公言俄轉翰林直學士貞祐初公言時事三一遷都二導河三封建大畧謂中國無古北之險則燕爲近邊車駕幸山東爲便山東天下富強處也且有海道

可通遼東接上京宋有國時河水常由曹濮開滑大名東平滄景會獨流入於海今改而南由徐邳水行處下視隄北二三丈有建瓴之便可使行視故隄稍脩築之河復故道則山東河南合敵兵雖入可阻以爲固矣三代封建外裔不能得中國之利秦罷諸侯而郡縣之無虜禍而有不及其之禍喻如秦銷鋒鏑今民間不得藏弓矢是也墮名城今腹內州軍不置樓櫓是也在承平日若無患及其弊則天下有土崩之勢秦之勝廣漢之張魯唐之安史皆是也房琯因祿山之亂請出諸王分置諸道祿山聞之曰天下不可得矣今就不能復三代之故亦宜分王子弟置諸道節度則是山東有大河之險有維城之固而無燕近塞之憂一舉而三者得矣明年上書請爲朝廷守殘破一州上以公宿儒當在左右不宜補

遺山先生集

卷十七

三

陽泉山莊

外不許四年除翰林侍講學士明年轉侍讀與定中拜禮部尙書兼前職同脩國史知集賢院事又明年知貢舉坐爲同官所累奪一官致仕有旨以卿嘗告老今遂之也公家居上所以禮遇公者不少衰時遣中使問卿精神何如往年不數日復起爲禮部尙書兼官如故入謝上曰卿春秋雖高以文章故須復用卿公亦以身受厚恩無以自效願爲天子開忠言廣聖慮每進見從容爲上言人主當儉勤慎兵刑所以祈天永命者上嘉納焉今天子卽位公再以年乞身改翰林學士脩國史公以上嗣德在初當日親經史以自裨蓋進無逸直解貞觀政要申鑒各一通開興改元北兵由漢中道襲荆襄京師戒嚴上命公爲赦文以布宣悔悟哀痛之意公指事陳義辭情俱盡城下之役國家所以感人心作士氣者公與

有力焉時公已老日以時事爲憂雖食息頃不能忘每聞一事可便民一士可擢用大則奏章小則爲當路者言殷勤鄭重不能自己竟用是得疾以夏五月十有二日春秋七十有四終於私第之正寢時軍國多故賻祭不及大夫士相弔閭閻細民亦知有邦國殄瘁之歎越二日權殯開陽門外二百步有待也積官至資善大夫勳上護軍爵天水郡侯食邑一千戶實封一百戶先娶劉氏再娶郭氏並封天水郡侯夫人前公卒子男一人名似待闕御史臺掾女三人長劉出也嫁汝州推官高可約次嫁衛州行部郎中石玠季嫁省知管差除令史張履三壻皆名進士也所著易叢說十卷中庸說一卷揚子發微一卷太立箋贊六卷文中子類說一卷南華畧釋一卷列子補注一卷刪集論語孟子解各一十卷生平文

遺山先生集

卷十七

四

陽泉山莊

章號滢水集者前後三十卷資暇錄十五卷公究觀佛老之說而皆極其指歸嘗著論以爲害於世者其教耳又其徒樂從公游公亦嘗爲之作文章若碑誌詩頌甚多晚年錄生平詩文凡涉於二家者不在也大概公之文出於義理之學故長於辨析極所欲言而不以繩墨自拘七言長詩筆勢縱放不拘一律律詩壯麗小詩精絕多以近體爲之至五言則沈鬱頓挫似阮嗣宗真淳古淡似陶淵明以它文較之或不近也字畫則有魏晉以來風調而草書尤驚絕殆天機所到非學能至今宣徽舜卿使河湟夏人多問公及王子端起居狀朝廷因以公報聘已而輟不行其爲當時所重如此公之葬也孤子似以好問公門下士來速銘因考公平生而竊有所嘆焉道之傳可一人而足所以宏之則非一人之功也唐

昌黎公宋歐陽公身爲大儒繫道之廢興亦有皇甫張曾蘇諸人輔翼之而後挾小辨者無異談公至誠樂易與人交不立崖岸主盟吾道將四十年未嘗以大名自居仕五朝官六卿自奉如寒士而不知富貴爲何物生河朔鞍馬閒不本於教育不階於講習紹聖學之絕業行世俗所背馳之域乃無一人推尊之此文章字畫在公爲餘事自以徒費日力者人知貴之而不知貴其道歟桓譚有言凡人賤近貴遠親見揚子雲故輕其書若使更閱賢善爲所稱道其傳世無疑譚之言今信矣然則若公者其亦有所待乎銘曰

道統中絕力任權御一判籓籬倒置冠屨公起河朔天以經付挺身頽波爲世砥柱優柔而求饜飮而趨春風舞雩如望趨步心與理叶默以言寓發道大全初莫我助大夜而且大遺山先生集

卷十七

五

陽泉山莊

夢而寤乾端坤倪軒輅呈露致知力行開物成務在德爲柄在治爲具吾道非耶而以文過足已無待恃義不懼憂國愛君華首彌固藏書名山京師其副後禮樂興當表公墓

朝散大夫同知東平府事胡公神道碑

公諱景崧字彥高姓胡氏其先威州人曾祖智避靖康之亂遷武安遂占籍焉祖益家累鉅其父諫之讀書涉獵經史工於書翰輕財好施不責報償秋冬之交量以布絮散寒者仍作糜粥以食之歲以爲常趙魏閒稱積德者莫不以胡氏爲稱首云正隆南征以良家子從軍載國子監書以歸因之起萬卷堂延致儒士門不絕賓儒素起宗實兆於此後以第四子浩官五品贈宣武將軍考仲溶嗜讀書不以世務縈懷大定初兩赴廷試不中卽以詩酒自娛竟用是得疾甫三十

而歿用公貴贈朝列大夫安定縣子公幼有至性十歲喪父  
哀毀成疾嘗泣謂其母孔氏言吾父不幸早世兒誓當學以  
成吾父之志孔夫人有賢行所以作成其子者爲甚力故公  
十五知屬文弱冠有聲場屋間年三十擢大定二十五年詞  
賦甲科釋褐海州軍事判官用提刑司廉舉特旨陞卽墨令  
縣治瀕海土澆而俗惡公清介自律人莫敢犯一新理筆之  
舊縣界多世官侵愁細民累政以爲苦及是有以牧馬傷民  
田者公淡治而痛繩之強暴爲之帖然初縣廨在古城之隅  
爲妖狐所據狐晝伏夜出變化狡獪或爲獄卒縱遣囚繫或  
爲官妓盜驛傳被襍嬾惑男女有迷亂至死者民無如之何  
反以香火奉之餘五十年矣公下車問知所以然顧謂同僚  
官舍所以居賢今令不得居而狐得據之耶時屋空已久頽

遺山先生集

卷十七

六

陽泉山莊

圯殊甚卽命完葺之明日卽聽事理務抵暮張燭而坐夜參  
半狐鳴後圃中一唱百和少頃羣集周而廷內中一大狐據  
地而吼如欲搏噬然卒伍散走投死無所公安坐不爲動而  
狐亦不敢前良久稍稍引退如是者三日遂不復來後十餘  
日傳一女奴歌嘯跳躍狂若寐語公以朱書追逐之置奴奴  
閒奴卽知人明日尉自巡邏還遭羣狐數百由縣東南而去  
狐禍遂絕縣民以公爲神刻石頌德李右司之純之文也秩  
未滿用提刑司薦遷河南府推官偃師送強寇十數輩尹以  
下謂此寇爲民害久亟欲除之公疑縣所送者皆平民爲緩  
其獄尹怒強出囚於市且以稍緩讓公公執議之次忽有馳  
報偃師獲正賊者尹慚謝卽日上書薦之就除太原推官未  
赴召爲大興推官時道陵新卽大位留意庶獄勅尙書省吾

往判大興獄犴填滿推官雖小職尤難其人可選文臣公平  
審慎者充宰相以公爲能故有此授公洩職不三月以獄空  
聞詔錫宴以寵之俄改上京等路提刑司判官秩滿以稱職  
超授西京路轉運副使丁內艱服除爲國子監丞兼戶部員  
外郎未幾改同知遼東路轉運使事本路稅額以牛頭徵者  
積數百萬戶多有名無實無所從出而重爲主典者之累公  
躬自閱實無有欺抑者凡椿配之數悉從調貸在所倉官坐  
傷耗而廢銓調者率以新官代之旬月入爲刑部員外郎東  
平大名同時有告人謀反者朝廷以戶部員外郎蘇某鞠獄  
大名而東平則以公決之蘇法吏專事榜掠囚不勝慘毒皆  
自誣服株連者以千數公至東平有司供獄具至有蝸籠大  
匱之屬公歎曰斷獄以情奚以此爲哉引告者諦審之十日

遺山先生集

卷十七

七

陽泉山莊

而後其情得告者搏頰自恨言所以誣罔者獄旣具止反坐  
此人而已東平尹率其屬勞公曰非使者忠愛三千人之命  
誰當續之百姓焚香拜送連延百餘里馬爲不得前及奏上  
道陵喜曰胡景崧處置稱朕意矣大名之獄獨無冤乎隨以  
它使者覆之蘇竟以罪去而公之朝譽由是益隆泰和六年  
以選爲上京東京等路按察司簽事陸辭以例言三事然皆  
天下之大計非例所當言者其一天子之職在擇相相得人  
則丞拱而治可也其二今皇嗣未立宜肅正六宮以廣繼嗣  
之路時元妃李氏專寵其宗有威福之漸外臣有夤緣至宰  
相者故公爲上言如此不報改同知鎮西軍節度使事屬歲  
旱公禱而雨明年郡國蝗中使四出掩捕獨公所治近城三  
十里無有也樓煩報蝗入縣境公馳至禱於后土祠言罪在

守令幸無毒平民顧盼之際蝗去無留者衛紹王大安初擢坊州刺史公老於吏事布宣教條恩威並著旬月之後但臥治而已俄改解州刺史坊人攀送巫泣而去踰年遷同知東平府路兵馬都總管事以崇慶二年五月日邁疾春秋五十有九卒於雒陽之傳舍積官朝散大夫上護軍安定郡開國伯食邑七百戶後幾日葬於某所之先塋娶馬氏封安定郡君婦德母儀中表以爲法後公幾年卒子男三人長日德珪正大四年進士儒林郎富平縣主簿次德琚早卒次德琳以公廕爲禮曹掾女二人長適邢臺焦日新封中山縣君次適洧川楊振文封宏農縣君孫男三人祗適祗承祗畏公美丰儀善談論臨事剛嚴人莫敢犯至於推誠接物則慈祥愷悌惟恐不及族屬餘百口同居迨公四世公卹睦之小大無間

遺山先生集

卷十七

八

陽泉山莊

言從弟義幼孤賴公教督繼擢高第舊制文資官例提舉學校故公所在必課諸生學委曲周至終始如一前後三知貢舉凡置在優等者皆奇俊宏傑之士士論以得人許之歲丙午某過彰德德珪方爲府從事謂某言先人棄養將三十年貞祐之亂倉皇南渡顧瞻先壟有旌紀寂寞之感迨今北歸先夫人之柩從耐有日誠得吾子銘而志之以俟百世之下不肖孤死不恨矣敢百拜以請某不敏嘗問公於曹徵君子玉子玉公鄉里知公爲詳以爲公無他過人但能充孝弟之性而已古有之事親孝故忠可移於君居家理故治可移於官又曰孝弟之至通於神明信斯言也公可以無媿矣銘其可辭其銘曰

地天而人泰山微塵不以元氣綱維之奚取於眇焉之身元



氣維何由孝而仁智效一官大或秉鈞民吾同胞忍弗愛其親惟悉聰明而致忠愛故所過者化而存者神上下同流何有乎獸伏而鳥馴問牛及馬不足以謂之能柱後惠文不足以謂之循我思胡公煖然而春鬱彼佳城志以貞珉千年而見白日尙知爲泰和之名臣

寄庵先生墓碑

道陵承安中賊臣胡沙虎尹大興先生爲府推官虎方詔事  
中貴竊弄威柄內則以姦佞固主恩外則鼓動聲勢以劫制  
天下同列有一事不相叶一語不相入者不陷之死地則排  
諸遠方故時人視之猶蛇虎鬼魅疾走遠避之不暇先生直  
前徑行初不爲死生禍福計每以公事相可否至絲髮不少  
貸又擇其陰事數十條將發之私謂所親言此人口無所不  
遺山先生集

卷十七

九

陽泉山莊

能言手無所不能爲政恐寧我負人終成噬主之狗虎篡者  
也平居頤指氣使無不如意乃今爲一書生所軒輊積不能  
平乃先以非罪誣染之凡可以中傷者無不至先生守之益  
堅抗之者愈力如是二年旣無可撼搖乃奏之上前謂先生  
於種人有奴視之傲賴上雅見知讚爲不得行蓋自承安迄  
至寧之弑前後二十年朝臣非無剛稜疾惡不畏強禦之士  
然敢與此賊角者唯先生與尙書左丞張公行中二人而已  
先生諱某字平父姓李氏系出唐明皇帝歷五季宋末之亂  
譜謀散失無可攷案靖康初先生之祖玘自濟南齊河避亂  
鎮州僑寓一名醫家遂傳其學生子拯徙居欒城仍食先業  
資樂易多伎能所居置病寮過客及貧無以爲資者來謁醫  
湯劑糜粥必躬親之病旣平又量爲道塗之費以給之賦詩

飲酒談玄講道優游以壽終後用先生貴贈奉訓大夫先生  
卽奉訓君之第二子也年十五奉訓君仍以家學授之學旣  
成一曰診一病者而心有所疑乃悔曰吾寧當以人命試吾  
術卽於是改讀律已而又以法家少恩與前療病無異也卽  
盡棄故學一意讀六經學爲文章二十得解住府庠移籍太  
學試補河北東路提刑司書史登明昌二年詞賦進士第釋  
褐臺城丞吏畏民愛雖老於從政者莫與爲比縣舊多盜先  
生治之有方皆相率爲平民以政迹陞遼東宜風令改薊州  
盧龍丁太夫人張氏憂起復潞州涉縣令縣乏水去城十五  
里所汲澗泉以供飲雖澆濯之餘不敢遺棄人用是多病先  
生行視西山得美泉度地之高卑將引致之先以便宜白於  
州然後籍丁爲渠民樂於赴功不兩旬而成近郭數千家坐  
遺山先生集

卷十七

十

陽泉山莊

獲膏潤之利鄉大夫洎其父老相與立石用詫於他邦入爲  
尙書省令史終更宰相議留再考先生力以疾辭授大興府  
推官轉河北東路轉運司都甸判官不一歲遷遼東路鹽使  
舊例使副判官分辦歲額而通比增虧考滿坐爲同官所累  
降太常博士兼秘書省校書郎至寧元年春遷同知靜難軍  
節度使事時西北兵已動先生以邠城頽圮爲憂謀之州將  
爲浚築計不合欲聞之朝俄改同知許昌軍節度使事比到  
許下聞夏人入寇邠已陷官屬虜而西矣秋八月改山東西  
路兵馬副都總管東平府治中制下三日賊虎弒逆自署太  
師尙書令澤王專制除拜先生卽日以疾告徑歸陽翟築屋  
頽水之上名之曰寄庵因以爲號先生通悟多智學有原本  
明於析理而勇於赴義中值大變知世事無可爲故一切以

蒙晦自居浮湛里社將二十年興定元光之間先生益已老矣某歲某月日春秋六十有七終於隱所先生喜作詩律切精嚴似其爲人雅爲王內翰子端周員外德卿趙禮部周臣李右司之純之所激賞字畫得於蘇黃之間畫入神品賞識至到當世推爲第一所在求謁者練素填積隨日月先後償之謂之畫債至於星麻占卜釋部道流稗官雜家無不臻妙絃歌棊槩在它人以一技自名者皆其餘事也臨終豫刻死期戒家人勿遽哭果如期而逝家人哭不禁良久開目云戒汝勿哭令我心識散亂言訖復瞑其明了又如此先娶里中郝氏再娶榮城劉氏三娶河間王氏有道敏修之女末娶大興崔氏冀州倅曼卿之妹子男三人澈方山拙分寮治官劉出也次日治自幼有文章重名正大中收世科徵事郎長陵遺山先生集

卷十七

十一

陽泉山莊

主簿王出也次日滋崔出也女二人皆嫁士族王寅某月孤子治自陽翟護先生之柩歸葬於欒城某原之先塋葬有日再拜涕泗謂門下士元某言先人諸孤唯治僅存兵革流離不得以時歸耐獲罪神明無所於死唯先人不大用於世故事業無聞若夫才德之懿問學之博志節之堅鑿裁之公則不可不白見於後今表墓有斥吾子盍以所聞見者爲我書之某竊自念言自南渡以來登先生之門者十年先生不鄙其愚幼不肖與之考論文藝商畧古昔人物之流品世務之終至問無不言言無不盡開示期許皆非愚幼不肖所當得者今得屬辭比事以相茲役顧以不獲爲恨其何敢辭唯是駑劣老矣無聞其何以究闡精微信示久遠雖義不可辭而又有不取不辭者因起拜謝不敢當治重以大誼要責以爲

得先人所知者多矣孰若吾子之濊與先人相從者多矣孰與吾子之厚治不謀若實治之尤謀之或違尤將誰在於是不得終辭謹論次其事如右又系之以銘銘曰

君子時中立不倚偏經緯萬方以心爲權嗟維先生中學之傳得之無息之久守以不磨之堅承安玩威魚脫於淵虎守天門四顧垂涎擊伏主臣且百且千會是下僚敢相周旋虎奮其須赤手往編恃義與存豈樂自捐禍逮至寧初服歸田憤請討之無所寧與賊而同天人卻也而我前人安也而我獨遷行無理違止不義寒嗟維先生其畀也全材不一能我則百焉量測則閎籌計則賢藥石可以活國舟楫可以濟川抱利器而莫之試竟匡坐而窮年一室圖書我歌我絃處順安常無憾下泉伐石西山表先生之阡孰能爲世底柱如是遺山先生集卷十七

十一

陽泉山莊

之卓然

朝列大夫同知河閒府事張公墓表

泰和初元妃李氏于遇時政兄弟同在禁近聲勢焯焯鼓動海內臺諫多以爲言公時爲監察御史上書切諫至有妾上僭后夫人失位之語引援古今陳說成敗皆君臣之間所難言者朝議譴之佗御史有與公齊名者其後畏禍不終名節埽地而公守河閒得所以死而死身滅而名益著至今稱泰和名臣者唯公可以當之公諱公著字庭俊姓張氏初名宁以夢兆改焉世爲太原陽曲人曾大父某知宋將亂隱居不仕大父祐好讀書尤長於術數卜葬東山之大石谷自言卻後三十年吾宗當有文達者已而果然考諱某資稟寬緩輕財好施以詩書棊酒自適後用公貴封朝列大夫生三子公

其季也初自童卯朝列君教之學長游府庠卽有能賦聲尋擢明昌二年進士第釋褐平遙丞歷洛郊雲川二縣令補尙書省令史考滿留知管差除以親老不就授都轉運司戶籍判官無幾何拜監察御史元妃兄黃門喜兒嘗以水田事私請於公公以正義責之喜兒惶懼而退虎賊尹大興固寵負恃恣爲不法朝臣無敢言者公倡諸御史發其姦章十餘上章宗言胡沙虎定何罪但跋扈耳卿等不相容乃如此耶公同中丞孟鑄言聖明之朝豈容有跋扈將軍乎上爲之動容張仲淹以趨附宰相起家不十年至大興尹公薄其爲人眾辱之明日而仲淹死時人以爲慚憤致卒云扈從秋山車駕所經居民爲近侍所擾無所於訴公屏騎從著大席帽行圍

中杖大奴十數人權貴爲之斂手或相警云大席帽者至矣

遺山先生集

卷十七

三

陽泉山莊

其威望如此泰和四年以稱職遷同知震武軍節度使事丁太夫人郭氏憂起復都轉運副使改簽南京路按察司事搏擊豪右發擿姦伏威惠並舉天下想聞風采遂有公輔之望衛紹王大安初授管州刺史期年改景州兼漕運使丁朝列君憂起復陝西西路按察轉運副使宣宗貞祐二年改同知河北東路兵馬都總管兼河閒府事特詔馳驛赴鎮不喻月河閒受攻總管不能軍城遂陷公方在應辦局聞之大駭率城中壯士近千督戰歿於陣中實十一月二十六日也得年五十有一夫人李氏再娶曹氏俱封清河縣君子男一人綽以廕補官女四人皆嫁士族孫男三人曰革曰賁曰恒公天性孝友爲宗族鄉黨所知歷三縣兩州當官剛果明於剖析吏畏民愛有古能吏之風太原民羅小七夜殺數人而考

驗無迹三推不能決朝命委公鞠之一問得情人以爲神明  
之政在所敦獎儒學留意風教舊俗爲之一變起文廟於所  
居安生里社延致名儒課子弟授業二姪經緯皆有聲場屋  
閒繼擢上弟張氏遂爲河東文章宗鄉人至今榮之孤子緯  
以某年月葬公於某所之先塋禮也歲癸卯秋九月某客燕  
中緯以世舊之故徵銘於某曰白衣冠南渡二十年之間無  
復歸顧之望叔父墓木已拱而旌紀寂寥不肖負釁蒙累死  
無以自贖誠得吾子譏述以著金石傳永久則瞑目無恨矣  
敢百拜以請某復之曰先大夫履正奉公惟義所在死生禍  
福無所顧藉天下大夫士飽聞而厭道之果得挂名表誌自  
託不腐鄉里晚生豫有榮焉敢不唯命是聽乃退而論次之  
而系之以銘銘曰

遺山先生集

卷十七

古

陽泉山莊

平易而仁卓魯之近民發姦擊強趙張三王之所以神此在  
公爲一節固已無望於時之人若夫確固而不移質直而無  
文直前徑行唯義所存有言責則致其忠有官守則致其身  
名節凜然獨爲不二心之臣聞公之風益知鄙夫之不可以  
事君

10964

